

## Inatsisissatut siunnersuummut nassuiaatit

**Nassuiaatit nalinginnaasut****1. Aallaqqaasiut**

1.1. Siunnersuummut pingaarnertigut tunuliaqutaasut "Kalaallit Nunaanni Ilinniartitaanermut ingerlataqarfik; Ilinniartitaanermut inuussutissarsiutinillu siunnersuisarneq pillugu maannakkut suliniutinik nalilersuineramik misissuineq" (siunnersuisarnermik suliniutinik nalilersuineq pillugu nalunaarussiaq) august 2019-imeersumik nalilersuinermut ataqatigiissillugu isigineqassapput.

Siunnersuutip suliarineqarnera nalunaarusiamiit innersuussutit qanoq annertutigisumik ilinniartitaanermut inuussutissarsiutinillu siunnersuisarneq pillugu Inatsisartut inatsisaannut atuuttumut ilanngunneqassanersut imaluunniit allatut naammassineqassaneranik naliliinermik aallaaveqarpoq.

Nalilersuineramik nalunaarussiaq pineqartoq siunnersuineq pillugu inatsisip atuuttup 2013-imi akuerineqarnerata kingorna Kalaallit Nunaanni siunnersuisarnermik suliniutit ineriartornerinut tunngasuuvoq.

Nalilersuinermit takuneqarsinnaavoq ilinniartitaanermut inuussutissarsiutinillu siunnersuisarneq pillugu Inatsisartut inatsisaat nr. 4, 29. november 2013-imeersaq, kingornatigut Inatsisartut inatsisaannit nr. 12, 27. november 2018-imeersumit allanngortinneqartoq, sukumiisumik inatsimmik piareersarneq tunngavigalugu suliarineqarsimasooq, misissuinerit nalilersuinerillu arlalissuit akuutinneqarsimallutik. Aammattaaq allanneqarpoq inatsisilerinikkut oqaasertai patajaatsumik uppernarsaatinik tunngaviit aaqqissugaasumik pissusissamisootumillu ataqatigiissumik allanneqarsimasut, taaguutit paasissutissiissutit, unamminartut, siunnerfigineqartut, ingerlataqartut, siunnersuisartut piginnaasaasa qaffasissusii, akuliunnerit akisussaaffiillu nassuiarneqarlutik.

Peqatigisaanilli nalilersuinermit takuneqarsinnaalluni Inatsisartut inatsisaat 2013-imeersaq inatsisaagaluartoq eqqarsaatigilluugaasoq iluaqutaasorlu tamakkiisumik periarfissaqartitsinera tamakkiisumik atorneqarsimanngilaq, tassa apeqquterpasuit sukumiisumik nassuiarneqarsimanngimmata. Nalilersuinermik nalunaarussiaq tassunga atatillugu naleqqussaasoqarnissaanik pisariaqartitsineq pillugu arlalinnik inerniliinernik innersuussutinillu imaqarpoq, isumaliutiginissaanik pisariaqartitsilersoq, ilaatigut siunnersuut tunngavigalugu sammivilerneqartut.

Nalilersuinermik nalunaarusiap aaqqissugaanikkut annertunerusumik allannguisoqarnissaa innersuussutiginnigilaa, nalilersuinermilli takuneqarsinnaalluni apeqqutit aalajangersimasut

sammivilerneqarsimangitsut pisunili ikittuinnarni inatsimmi aalajangersakkat sulii allanik iliuseqarnissamut periarfissiisimallutik, taamaattorli sulii isumannaarneqarsimanatik, aamma inatsisip siunertaata piviusunnngortinneqarnissaanut suliarineqartariaqartut. Nalilersuinermit tamanna nangillugu allanneqarpoq tamanna pisinnaasoq Inatsisartut inatsisaata nutarterneqarneratigut aamma sakkut allat aqqutigalugit soorlu nalunaarutit, ilitsersuutit, angusassatigut isumaqatigiissutit, tatiginartumik suleriaatsinik allaaserinninnerit il.il.

Nalilersuinermit nalunaarusiami aamma uparuarneqarpoq Nuna Tamakkerlugu Ilitsersuisarfiup suliasai killiffialu inatsisiliornikkut naammattumik erseqqissarneqarsimangitsut, tassunga ilanngullugu qitiusumik allaffissuarmut naleqqiullugu, aamma inuusuttut sullinneqartut ornigulluni ilitsersuinissamut najoqqutassat sukumiisut allanneqartariaqartut.

Nalilersuinermit nalunaarusiami aamma allanneqarpoq ilinniarfiit pillugit nalunaarutit atuuttut naammassinninnissamut ikaarsaariarnermilu ilitsersuisarnermut naleqqiullugu sukumiisunik najoqqutassanik aalajangersaarnissaq siunertaralugu misissorneqartariaqartut.

Aammattaaq allanneqarpoq ilinniarfinni aamma Majoriani ilitsersuisarnermi suliat suliasanit allanit tatisimaneqarneq pissutigalugu naammangitsumik salliutinneqarsinnaannginneri arlerinarsinnaasoq, tassa ilitsersuinissamut suliasat immikkut sammineqanngimmata.

Tamatuma saniatigut oqaatigineqassaaq Qarasaasiatigut Nalunaarsuisarfimmut naleqqiullugu sulinerup naammassineqarnissaa aamma siunnersuisut aamma siunnersuinermit atuisut paasissutissanik atortussanillu tulluurtunik nassaarniarlugit ujartuinnginnissaasa qulakkeerneqarnissaa siunertaralugu internet-imi "ataatsimik iserfissaqartoq" siunnersuisarnermi nittartakkamik pilersitsisoqarnissaa pisariaqartinneqartoq.

Taakku saniatigut allanneqarpoq ilitsersuisarnermit allanik assigiinngitsunik isumaginittut ingerlatsiviit akornanni qaleriiffiusut paasisaqarfigineqarnissaat maqaasineqartoq.

Kiisalu takuneqarsinnaalluni ilitsersuinerit pitsaassusaannut aamma pitsaassutsit periusissiorinissaannut kajumissaarinissamut tunngaviit aamma nuna tamakkerlugu ilitsersuinermit periusissiamik suliaqartoqartariaqartoq.

1.2. Inatsisissamik piareersaasiarnermit sammineqartut pingaarnerit Inatsimmik piareersaalluni sulineq nalilersuinermit nalunaarusiami inerniliussanik innersuussutinillu maannakkut pingaartinneqartut naleqqussaasoqarnissanik pisariaqartitsinermit nalilersuineq tunuliaqutaralugu aallartinneqarpoq. Naleqqussaaniissap pisariaqartinnera pillugu apeqquutip saniatigut tassunga ilaapput aamma naleqqussaaniissamut pisariaqartitsinerit ataasiakkaat inatsisitigut, allaffissornikkut suliniuteqarnikkut akuerineqassanersut imaluunniit naleqqussaaniissamut pisariaqartitsinerit uparuarneqartut

ilitsersuisarnermik ingerlatat tulluarnerusumik aqqissuunnerisigut aaqqinneqassanersut isummerfigineqarnissaat.

Naleqqussaasoqarnissaanik pisariaqartitsineramik nalilersuineq taamaalilluni ilitsersuisarnermik suliniutinik nalilersuineq pillugu nalunaarusiami allanneqarsimasut ataani allassimasut immikkut innersuussutit qulit aallaavigalugit isumagineqassapput taakkulu siunertaralugit maannakkut aalajangersakkat pitsaanerulersinnissaat, taamaalilluni Inatsisartut inatsisaanni 2013-imeersumi siunniunneqartut piviusunngortinneqarsinnaallutik.

1.2.1. Siunnersuisarneq pillugu inatsisartut inatsisaani apeqqutit suli isumannaarneqanngitsut malitseqartinneri

Nalunaarusiami allanneqarpoq Inatsisartut inatsisaat 2013-imeersoq inatsisaagaluartooq eqqarsaatigilluarneqarsimasooq iluaqutaalluaraluartorlu tamakkiisumik periarfissat tamakkiisumik atorneqarsimanngillat, tassa apeqquterpasuit sukumiisumik nassuiarneqarsimanngimmata. Nalunaarusiami aamma allanneqarpoq taakku ilaannut pequtaasooq puiguinerit, ikittuaqqanili suli allatigut iliuseqarnissamut inatsimmi aalajangersakkat periarfissiillutik, sulili isumannaarneqarsimanatik aamma inatsimmi siunniussat piviusunngortinneqassappata suliarineqartariaqartut. Taamatut iliuseqarneq inatsisiviata nutarterneqarneratigut ingerlanneqartariaqassaaq, kisianni aamma sakkut allat soorlu nalunaarutit, ilitsersuutit, angusaqarnissamik isumaqatigiissutit, tatiginartumik suleriaatsinik allaaserinninnerit aqqutigalugit ingerlanneqarsinnaalluni. Tamanna innersuussutaavoq nalinginnaasooq innersuussutinik ataasiakkaanik ataani allassimasut ilaanni tunngaveqartoq.

Taamatut innersuussuteqarnermut naleqqiullugu eqqaaneqassaaq inatsisip allanngortinnissaanut manna siunnersuut innersuussutip malinneqarneratut isigineqartariaqarmat. Aammattaaq siunniunneqarluni malittarisassat atuuttut suliassaqarfimmi nalunaarummik taperneqassasut.

1.2.2. Nuna tamakkerlugu ilitsersuisarfiup suliaanik killiffianillu erseqqissaaneq

Nuna tamakkerlugu ilitsersuisarfiup suliaanik killiffianillu erseqqissaanerup qulakkeerneqarnissaa pillugu innersuussut eqqarsaatigalugu nalunaarusiami aamma allanneqarpoq ilitsersuisarfiup pisortatigoortumik pisussaaffeqannginnera paasinarnanilu ilitsersuisarfik naalakkersuisoqarfimmut ilaanersoq imaluunniit ilaatigut nammineersinnaalluni pisortat suliffeqarfiutigineraat attaviitsoq. Tamatuma nanginnerani allanneqarpoq naalakkersuisoqarfimmiit kiisalu soqutigisaqaqatigiinniit sinniisoqartumik siulersuisoqarluni ilitsersuisarfik attaviitsutut suliffeqarfiussanersoq eqqarsaatigineqarsinnaasooq.

Tassungali tunngatillugu oqaatigineqassalluni siunnersuisarnej pillugu Inatsisartut inatsisaanni atuuttumi ilitsersuisarfiup pisortat suliffeqarfiusinnaanerattut erseqqissumik allassimammat §§ 3-5-imi aamma § 8-mi eqqaaneqartunik suliassanik taakkuluunniit ilaannik Naalakkersuisut kivitsisinnaallutik. Aallarniinerni allanneqartut ilitsersuisarfimmik pilersitsisoqarnissaanik pisussaaffiliisoqanngilaq, aamma ilitsersuisarfik pisussaaffinnik sunik isumaginnissanersaq Naalakkersuisut peqquneqarnissaannut Inatsisartut inatsisaanni aalajangersarneqarnani. Ilitsersuisarfiup inatsisilerinikkut killiffianik naleqqussaaqinnermi naatsorsuutigineqarpoq qulaajaalluni sulisoqassasoq, oqartussat soqutigisaqatigiillu allat peqataatinneqarlutik, tassunga ilanngullugu pisortat suliffeqarfiinik oqartussanillu allanik suleqatigiinnermut naleqqiullugu. Peqatigisaanik ilanngunneqarsinnaavoq ingerlatsivimmi suliart arlallit ilitsersuisarfiup suliannut tunngassuteqarsinnaasut katersorneqarnissaat pillugu maannakkut isumaliuteqartoqarmat. Taamaattumik ilitsersuisarfiup inatsisitigut killiffiata maannakkut allannortinnissaa tulluurtutut isigineqarnani.

#### 1.2.3. Inuusuttunik siunnerfigineqartut ornigulluni illitsersuisarnermut tatiginartumik najoqqutassanut missingiutit

Nalilersuineri nalunaarusiami allanneqarpoq ornigulluni ilitsersuisarnej pillugu siunnersuisarnermi inatsimmi aalajangersakkat sukumiisumik allaaserineqarsimanngisaannarsimammata, taamaattumillu qanoq qanorlu akulikitsigisumik taamaaliortarnissaq pillugu Majoriaq kommunillu ataasiakkaat nammineq aalajangiissallutik. Aammattaaq innersuussutigineqarpoq malittarisassat najoqqutallu nunamut tamarmut aalajangersarneqassasut pitsaassuseq aamma ilitsersuineri amigaatit pinngitsoortinnissaat qulakkeerniarlugu. Innersuussut siunnersuummi piviusunngortinneqanngilaq, tassa innersuussutip akuerineqarnissaanut Inatsisartut inatsisaanni § 18, imm. 2-mi tunngavilerneqareersimammat. Pilersaarut taamaattumik tassaavoq ornigulluni ilitsersuisarnej pillugu malittarisassanik erseqqinnerusunik nalunaarummi aalajangersaasoqassammat.

#### 1.2.4. Najoqqutassanik sukumiinerusunik aalajangersaanissaq siunertaralugu ilinniarfiit pillugit maannakkut nalunaarutit misissorneqarneri

Nalilersuineri nalunaarusiami allanneqarpoq ilinniarfiit ikaarsaariarnermi aalajangiussimanissaallu pillugit ilitsersuineri akisussaaffilerneqaraluartut tamatuma qanoq pinissaanik sukumiisumik allaaserinnittoqarsimanngilaq, "malittarisassat atuuttut naapertornissai" eqqaassanngikkaanni. Ilanngunneqarpoq malittarisassat taamatut ittut nassaarineqarsinnaanngimmata, tassa assersuutigalugu ilinniarnertuunngorniarfiit aamma inuussutissarsiutinut ilinniartitaanerit pillugit nalunaarutit inatsimmut assortuummata taamaallaallu siunnersuisarnej pillugu ingasattumik inerisarneqarsimanngitsunik aalajangersakkanik imaqarlutik. Aammattaaq allanneqarpoq ilinniarfiit, Majoriartulli ilitsersuisartunik ilinniagaqarsimasunik atuinissamut taamaallaat pisussaaffilerneqarsimanngimmata imaluunniit siunnersuisarnerit ingerlatami suuneri annertussusaalu pillugit ilisimatitsisussaannngimmata. Taakku

imminiiginnartinneqannginnissaat pingaaruteqartumilli ilinniartitaanikkut ingerlataqarlutik pimoorussinissaat qulakkeerniarlugu ilinniartunut uniinnartunut ilinniarfiit aamma ilitsersuisarnerit annertusinissaannut kajumissaatinik pilersitsisoqarnissaa isumaliutigineqartariaqarpoq.

Nalilersuineramik nalunaarusiami eqqaaneqartoq ajornartorsiut ilinniarfiit inatsisartut inatsisaat malillugu pisussaaffigisaannut Inatsisartut inatsisaanni sinaakktissanik aalajangersaasoqarneratigut siunnersuummi sammivilerneqarpoq. Tamanna tamatuma kingorna ilinniartitaanermut inatsisini pineqartuni tunngavilerneqartumi ilinniartitaanernut ataasiakkaanut tamanut nalunaarusiornikkut malittarisassanik aalajangersakkanik ilaneqassaaq.

Aammattaaq Inatsisartut inatsisaanni § 12. imm. 2-mi piumasaqaat annertusineqarpoq atuarfinni ilinniarfinnilu ilitsersuisartunut naleqqiullugu kommunini ilitsersuisartunut atuuttut malittarisassat taamaaqataatut atuutilersillugu. Tassunga atatillugu siunnersuisarnermik inatsimmi atuuttumi § 12, imm. 2, oqaaseqatigiinnit siullernit takuneqarsinnaavoq Naalackersuisunit akuerisaasumik ilinniartitsineramik inuussutissarsiutinullu ilitsersuisarnermik ilinniagaqarsimasunit imaluunniit tassunga assingusumik siunnersuisinnaanermik piginnaasaqarnermik uppernarsaasinnaasunit inunnit naammassinninnissamut ikaarsaariarnermilu ilitsersuineq ingerlanneqassasoq.

Tamatuma nanginneratut tulluurtutut aamma siunnersuutigineqarpoq atuarfiit aamma ilinniarfiit Majoriatulli nalunaaruteqartarnissamut pisussaaffilerneqassasut, tak. Inatsisartut inatsisaanni § 13, imm. 1.

#### 1.2.5. Suliassanit allaniit tatisimaneqalinnginnissaq qulakkeerniarlugu ilinniarfinni Majoriamilu ilitsersuinermi suliassat aalajangersimasumut sammitinneqarneri

Nalilersuineramik nalunaarusiami allanneqarpoq annertussusaanut assortuuttumik tamat ilanngullugit nalinginnaasullu taaguutit atorlugit ilitsersuinerup taamaallaat nassuiarneratigut ilitsersuisarnermi suliassat suliarineqarneri soqutaanngitsutut siunnersuisussanit eqqartorneqalersinnaasut, taakku allarpassuarnik suliassaqaaremata – tamanna ilinniarfinni Majorianilu atuulluni. Kingullertut taaneqartumi pisumi taakku aningaasalersorneri annertuutigut angusaqarnissaq pillugu Naalackersuisunik isumaqatigiissuteqarnissaq apeqqutaalersartuq, ilitsersuineq immikkut salliutinneqarnani; taamaattoqarneratigut apeqqutit isumaqatigiissummi piumasaqaatit suliariuminarnerusut ilitsersuussisarfinnit soorunami sammineqarnissaat pingaarnerutinneqarlutik. Taamaattumik ilitsersuisarnermi suliassat isumaqatigiissutini taakkunani annertunerusumik alaatsinaanneqartarlutik. Ilinniarfeqarfinni ilitsersuisut nalinginnaasumik aamma atuartitsinissamut pisussaaffilerneqartarput, ilitsersuinissamullu immikkoortinneqartoq suliaqarnissamut piffissap annertussusaa, amerlanertigut taakku sulinissamut isumaqatigiissutaanni erseqqissarneqarsimasartuq, ingerlatassat erseqqissumik nassuiarneqarsimatinnagit killileruminaattarput. Piffissamut

ilivitsumut isumaqatigiissuteqarluni ilitsersuisartunik atorfinitsitsinikkut tamanna aaqinneqarsinnaavoq, kisiannili pingaartumik ilinniarfinni mikinerusuni eqaassuseq annikillisinneqarsinnaalluni.

Ajornartorsiummit eqqaaneqartumit soorlu aamma takuneqarsinnaasoq apeqqut malittarisassanik aqutsinermut atassuteqanngitsumik aaqiissuteqarnissamut siunnersuuteqarnikkut inissinneqartariaqarpoq. Taamaattumik naliliisoqarsimalluni innersuussut taanna siunnersuut tunngavigalugu piviusunngortinneqassanngitsoq.

1.2.6. Qarasaasiatigut Nalunaarsuiffimmi suliaqarnerup naammassineqarnera Nalilersuinermik nalunaarusiami innersuussutigineqarpoq Qarasaasiatigut Nalunaarsuisarfimmik sulineq naammassineqassasoq. Tassunga atatillugu allanneqarpoq Qarasaasiatigut Nalunaarsuisarfik tassaasoq ineriartornermi killiffimmi nutaaliaalluinnartuusoq, sulili naleqqussarneqartussa ilaatigullu atuisunut naleqqunnerulersillugulu paasiuminarnerulersillugulu pisariillisarneqassasoq. Ilangutissaq ilitsersuisartunut ataasiakkaanut allaffissornikkut sakkuunerup aamma sullissisuunerup aamma ilitsersuisarnermi suliniutip ineriartortinneranut ataatsimut isigalugu paasissutissatut katersuinermi sakkuunerup akornanni eqqortumik oqimaqatigiissitsinissaq pisariaqarmat. Pingaartumik kingullertut taaneqartoq sulineq piffissami tassani suliarineqarsinnaanngilaq, tassa atuisunit assigiinngitsuniit qarasaasiamut allattueriaatsit malinninngitsut pissutigalugit paasissutissat tatiginarunnaarsimmatigut. Kiisalu allanneqarluni ilitsersuisarnerit annertussusaannik kinguneqarnerinillu naliliineq najoqqutassat sulinerullu ineriartortinnerini pisariaqartinneqarmata.

Innersuussummi inatsimmik naleqqussaanssamut tulluannngitsut pissutsit pineqanngillat. Taamaattumik innersuussut siunnersuummut naleqqiullugu suliniuteqarnissamut pissutissaqartitsinngilaq. Innersuussut taarsiullugu Qarasaasiatigut Nalunaarsuiffiup suli ineriartortinneranut atatillugu sammivilerneqassaaq.

1.2.7. Internetimi "ataatsimik iserfissaqartoq" ilitsersuisarnermi nittartakkamik pilersitsinissaq Nalilersuinermik nalunaarusiami innersuussutigineqarpoq internetimi "ataatsimik iserfissaqartoq" ilitsersuisarnermi nittartakkamik pilersitsisoqassasoq. Ilaatigut ilitsersuisarnermut attuumassuteqartunik suliaqartunut innuttaasunullu paasissutissanik neqerooruteqartunik maannakkut nittartakkat arlaliupput. Taakkuli arlaannaalluunniit suliassap naammassinninnissamut imarisaatigut annertussusaatigullu pisinnaanatik. Ilitsersuisartut aamma ilitsersuinermik atuisut taamaattumik paasissutissanik atortussanillu atorfissaqartitaminnik nassaarniarlutik assigiinngitsuni ujartuisarput, tamannalu paatsiveerunnermik pisariaqanngitsumillu piffissamik atuinermi pilersitsilluni. Tamatuma saniatigut atorneqarsinnaaneri nittartakkat ilaanni ajornartorsiutaallutik, paasissutissallu amigaatigineqarlutik imaluunniit nutarterneqarsimanatik. Ilitsersuisarnerup ingerlataqartunut soqutigisaqatigiinnullu arlalissuarnut agguarsimanerannik pissuseq tamanna peqquteqarpoq, isumalluutit katersuuffiginagit tamarmik immikkut nammineq suliarnikkut

saqqummiiniarsarisut, suliassarlu taanna ingerlataqartumit ataatsimit suliarineqarsinnaanersoq isumaliutigineqassaaq, assersuutigalugu Nuna Tamakkerlugu Ilitsersuisarfik. Nittartagaq ingerlalluortoq paasissutissat nutarterneqarsimallutik pingaartumik nunaqarfinni avinngarusissimasuni atuisunut ilitsersuisartunut naapitaqarsinnaanngitsunut pingaartumik pingaaruteqarpoq. Internetikkut atassutit maannakkut matussusiinerit pissarsiarineqarsinnaanerilu eqqarsaatigalugit killiliigaluartut, pingaartumik nunaqarfinnut avinngarussimanerusunut, tamanna siunissami pitsaanerulissanersoq qularutigineqarsinnaanngilaq, tamannalu internetikkut ilitsersuinissamut periarfissanik nutaanik ammaassissalluni. Atoruminartuunera eqqarsaatigalugu nittartakkanik marlunnik pilersitsisoqarsinnaanera isumaliutigineqarsinnaavoq - ataaseq ilitsersuisarnermik kiffartuussinernut atuisunut alla siunnersortinut.

Tassunga atatillugu siunnersuutip oqaasertalersorneri tunngavigineqarsimavoq malittarisassanik aqutsinermut atassuteqanngitsoq innersuussut pineqanngimmat, taamaattumik malittarisassaliornermut tunngatillugu suliniuteqarnissamut pissutissaqartitsinani. Tassunga atatillugu maligassiatigut siunnersuisarnermi nittartakkap qanoq aaqqissuunneqarnissaa Naalakkersuisunit aalajangiiffigineqarsinnaavoq.

1.2.8. Ilitsersuisarfiit akornanni imminnut attuumassuteqartut qulaajaaffigineri Nalilersuinerimik nalunaarusiami innersuussutigineqarpoq ilitsersuisarnermi immikkoortut akornanni suliassatigut suliaqarnikkullu killiliinerit erseqqissarneqassasut. Tassunga atatillugu allanneqarpoq akisussaaffiit inatsimmi nassuiarneqaraluartut kina sulerissanersoq ilaannikkut paasinarneq ajorpoq, tamannalu paatsoornernik kinguneqarsinnaasarluni, isumalluutinit matussuserneqannginnerinik imaluunniit maangaannartitsinermik kinguneqartartut. Assersuutigalugu ikaarsaariarnermi aalajangiussisimanermilu siunnersuisarnermut innersuussisoqarpoq, akisussaaffik ilinniarfeqarfinniilluni, kisiannili Majoriaq ikiuunnissamut pisussaaffeqarluni. Ilanngunneqarpoq tamanna pingaarnerusunik sinaakkusiornikkut (akisussaaffik, isumalluutit) najoqqutassat nalinginnaasut tunngavigalugit qulakkeerneqarsinnaassasoq, kingornalu kommunimi isumaqatiginninniutigineqarsinnaasut, sumiiffinni ilitsersuisartut taamatut isumaqatigiissuteqarnissamut toqqavinnik tulluurtunik pilersitsillutik. Peqatigisaanik allanneqarpoq ilinniarfinni qinnuteqartarnermi maannakkut aaqqissuussineq allanngortinneqartariaqartoq taamaalilluni Majoriat qinnuteqartunut ilitsersuinerimik neqerooruteqarsinnaallutik, qinnuteqaatinilli suliarinninnermut akisussaaffik ilinniarfinit ingerlanneqartariaqarluni.

Tassunga atatillugu nalilerneqarpoq innersuussut siunnersuisarneq pillugu inatsimmi § 19, imm. 5-imi piginnaatitsissutip atorneqarnissaa tunngavigalugu allaffissornikkut akuerineqartariaqartoq. Tamatuma kingorna nalunaarutikkut ilinniarfiit aamma kommunimi oqartussat akornanni suleqatigiinneq erseqqissarneqassaaq, tassunga pingaartumik ilanngullugu ikaarsaariarnermi siunnersuisarnermut tunngatillugu.

### 1.2.9. Ilitsersuinerup pitsaassusaanut tunngasuni oqaasertaleneri pitsaassutsimullu periusissiap kajumissaarutiginera

Nalilersuinerup nalunaarusiami innersuussutigineqarpoq pitsaasumik ilitsersuinerup qanoq ittuunera, tamatumalu qanoq anguneqarsinnaanera pillugu ingerlataqartut soqutigisaqaqatigiillu akornanni ataatsimut ilisimasaqarnerup qulakkeerneqarnissaa siunertaralugu ilitsersuisarneq pillugu pitsaassutsinut tunngavinnik suliaqartoqassasoq. Suliassaq taanna annertuutigut Inatsisartut inatsisaanni atuuttumi allanilu naapertorneqareerpoq, assersuutigalugu ilitsersuisartut tunngaviummik ilinniartitaanerini atuarnissamat pilersaarummi, kisiannili innersuussutigineqarluni anguniakkat taakku tunngavissaliornikkut ingerlateqqinneqartariaqartut takussaasunnngortinneqarlutillu, naatumik pitsaasumillu siunnersuulluarnermik paasissutissiilluartut. Aammattaaq allanneqarpoq ilitsersuisarnermik kiffartuussinerit pitsaassutsinik qulakkeerininnissamat periusissiani taakkunani pinngitsoorani qaffasissuseqartillugit suliarineqartut naapertuutissasut.

Malittarisassanik aqutsinermut tunngasoq innersuussut pineqanngimmat innersuussut siunnersuummi sammivilerneqanngilaq. Allatigut oqaatigineqassaaq Inatsisartut inatsisaanni atuuttumi kapitali 3-mi ilitsersuisarnermut sinaakkusiussat pillugit aalajangersakkanik aalajangersaasoqareermat. Tamatuma saniatigut tamanna pillugu ilitsersuusiornikkut suli allanik erseqqissaasoqarsinnaavoq.

### 1.2.10. Ilitsersuisarnermut nuna tamakkerlugu periusissiorneq

Kiisalu nalilersuinerup nalunaarusiaq ilitsersuisarneq pillugu nuna tamakkerlugu periusissiorneq pillugu innersuussuteqarluni. Tassunga atatillugu allanneqarpoq ineriartortitsinissamik pisariaqartinneqartunik ilitsersuinerup naleqqiullugu apeqquterpassuaqartoq, isumalluutilli killeqarlutik. Tamatuma nanginnera allanneqarpoq nuna tamakkerlugu ilitsersuisarneq pillugu periusissiaq aalajangersimasumik akuttussuseqartumik suliarineqartariaqartoq - assersuutigalugu ukioq allortarlugu. Tassunga atatillugu eqqaaneqarpoq periusissiaq suliat kivinneqartussat suunerinik uppersaasoq pingaarnersuisorlu, aamma taassuma naammassineqarnissaanut piffissamik aalajangersaasoq. Peqatigisaanik nalilersuinerup nalunaarusiami ilanngunneqarpoq nuna tamakkerlugu periusissiamut siunnersuut Ilitsersuisarnermik Siunnersuisoqatigiinni soqutigisaqaqatigiinnit suliarineqartariaqartoq aamma Kalaallit Nunaanni naalakkersuisunit (allannguuteqarsinnaasumik ilanngussiffiusinnaasumillu) akuerineqartariaqartorlu.

Innersuussut siunnersuummi aalajangersakkami ikkussisoqarneratigut inissinneqarpoq, kingornalu nuna tamakkerlugu ilitsersuisarnermut periusissiorneq Naalakkersuisut pisussaaffeqalerlutik.

## **2. Siunnersuummi immikkoortut pingaarnertit**

a) Inatsisit atuuttut

Inatsit atuuttoq tassaavoq ilinniartitaanermut inuussutissarsiutinillu siunnersuisarneq pillugu Inatsisartut inatsisaat nr. 4, 29. november 2013-imeersoq, kingornatigut Inatsisartut inatsisaannit nr. 12, 27. november 2018-imeersumit allanngortinneqartoq,

2018-mi inatsimmik allannguinermi suliasap taassuma siunnersuisarnermik inatsimmi § 18, imm. 1-imi siunnersuisarnermi suliasanut ilanngunneqarneratigut aamma siunnersuisarnermi inatsimmi § 3-mi tamatuma ilanngunneqarneratigut ilinniagaqartunik tarnikkut isumaginnikkullu ilitsersuisarnermik pilersitsisoqarpoq, tassani suliasap taassuma isumaginissaa Naalackersuisunit pisussaaffiulerluni.

Kalaallit Nunaanni Ilitsersuisarneq pillugu siunnersuisoqatigiit suliasaat suleriaasiallu pillugu Namminersorlutik Oqartussat nalunaarutaat nr. 3 9. marts 2015-imeersup saniatigut siunnersuisarnermik inatsimmik tunngaveqartumik allaffissornikkut malittarisassat atulersinneqarsimanngillat.

Naalackersuisut pingaarnertut akisussaaffianut naleqqiullugu siunnersuisarnermik inatsimmi § 6-imit takuneqarsinnaavoq suliasanik taakkuninnga imaluunniit taakku ilaannik isumaginnittussamik nuna tamakkerlugu ilitsersuisarfimmik Naalackersuisut pilersitsisinnaasut, siunnersuisarnermik inatsit naapertorlugu Naalackersuisunit naammassineqartussat.

Tassani pineqarpoq "taamaaliorinnaanermik aalajangersagaq", taamaattumik taamatut siunnersuisarfimmi pilersitsinissamut Naalackersuisut pisussaanaatik. Siunnersuisarnermik inatsimmut nassuiaatinit nalinginnaasunit aamma takuneqarsinnaavoq taamaattoqartillugu ilitsersuisarfik qitiusumik allaffissuup ataaniissasoq.

Siunnersuisarnermik inatsimmi § 3-mit takuneqarsinnaavoq Naalackersuisut ilitsersuinermi suliasarigaat ilitsersuisarneq nalilersortassallugu ineriartortissallugulu, ataqatigiissassallugu, ilitsersuisarneq pillugu paasissutissiisassallutik, tassunga ilanngullugu internetikkut siunnersuinermi nittartakkamik pilersitsineq ingerlatsinerlu. Taakku saniatigut ilitsersuisarnermi atortut suliarissallugit siaruartissallugillu, ilitsersuisartut ilinniartittassallugit ilinniarteqqittassallugillu, sumiiffinni ilitsersuisarfinnut tunngatillugu ilitsersuisarneq, misilittakkanik ilisimasanillu paarlaasseqatigiittarnek, aammalu attaveqarfigeqatigiittarnermik pilersitsineq tapersersortassallugu Naalackersuisut suliaqartussaapput, tassunga ilanngullugu nuna tamakkerlugu oqalliffimmik pilersitsinissaq. Taakku saniatigut tarnikkut isumaginnikkullu ilitsersuisarnermik Naalackersuisut isumaginnissapput.

Naalackersuisut suliasaat ullumikkutuut ilitsersuisarfimmit isumagineqarpata siunnersuisarfiup suliasat uku naammassissavai:

- siunnersuisarnernut suliniutinik ineriartortitsisarnerit aammalu nalilersuisarnerit
- ilitsersuisarnermik ataqatigiissarineq

- ilitsersuisarnek pillugu paasissutissiineq, tassunga ilanngullugit ilitsersuisarnermi atortunik suliaqarnek aamma internetikkut ilitsersuisarnek pillugu nittartakkamik ingerlatsineq
- ilitsersuisarnermi atortut suliarissallugit siaruartissallugillu,
- ilitsersuisartut ilinniartinnissaat ilinniarteqqittarnissaallu qulakkeernissaat,
- sumiiffinni ilitsersuisarfinnut tunngatillugu ilitsersuisarnek,
- misilittakkanik ilisimasanillu avitseqatigiittarnissaq
- ilitsersuisarnek pillugu paasissutissiisassallutik, tassunga ilanngullugu nuna tamakkerlugu oqaloqatigiittarfissamik pilersitsineq
- tarnikkut isumaginninnikkullu ilitsersuineq isumagalugu, tassunga ilanngullugu ilinniakkamik aallartissimasunut imaluunniit Majoriami pikkorissartunut ilinniartunut tarnikkut katsorsaaneq.

Qulaani allassimasut aallaavigalugit inerniliisoqarsinnaavoq Naalakkersuisut assersuutigalugu ilitsersuisarfik aqutugalugu kommunini siunnersuisarfiup ilitsersuussineranut naleqqiullugu siunnersuisinnaallutik nalinginnaasumik ikorfartuisinnaallutik.

Kommunit ilitsersuussinermi suliassanut suliffeqarfimmi sinaakkusiussat eqqaaneqarneri eqqarsaatigalugit siunnersuisarnermik inatsimmi § 11, imm. 1-imit takuneqarsinnaavoq ilitsersuisarnerup ataqatigiissinnissaa, annertusarnissaa sammiveqarnissaalu siunertaralugit kommunimi ilitsersuiffimmik pilersitsinissap ingerlatsinissallu isumaginissaat kommunalbestyrelsit pisussaaffigaat. Aammattaaq aalajangersakkami imm. 2-mit takuneqarsinnaavoq kommunip ilitsersuisarfiata inatsit naapertorlugu ilitsersuisarnermi suliassanik ingerlanersinermini suliffissarsiuussisarfiit pillugit Inatsisartut peqqussutaat malillugu kommunini suliffissarsiuussisarfirmik suleqateqarnissaa kommunalbestyrelsip qulakkiissagaa, tak.suliffissarsiuussisarnek pillugu inatsisartut peqqussutaat.

Aalajangersagaq kommunimi ilitsersuisarfirmik pilersitsinissamut kommunalbestyrelsit pisussaaffeqarnerattut oqaasertalerneqarpoq.

Kommunimi suliassat eqqarsaatigalugit siunnersuisarnermik inatsimmi § 9-mit takuneqarsinnaavoq kommunimi innuttaasunik inatsit malillugu ilitsersuisarnek isumagissallugu kommunalbestyrelsip akisussaaffigigaa, ilinniartut ilinniakkaminnik naammassinninnissaat ikaarsaariarnissaallu pillugit ilitsersuineq minillugu, ilinniakkanut pineqartunut malittarisassat atuuttut malillugit ilitsersuineq ingerlanneqartussaasoq.

Tassunga tunngatillugu malugineqassaaq ikaarsaariarnermi ilitsersuinermi pineqarmat ilinniarnermiit allamut imaluunniit ilinniarnermiit suliffeqarnermut ikaarsaariarnermut tunngasoq ilitsersuineq, tak. siunnersuisarnermik inatsimmi § 2, nr. 4. Akerlianilli naammassinninnissamut ilitsersuineq ilinniarnermut aalajangersimasumut atasunik innersuussinernut, ilitsersuinermit il.il. killeqarluni, tak. § 2, nr. 3. Ilitsersuinerup taamatut ittip siunertarilluinnarpaa ilinniarnernup ingerlanneqartup naammassineqarnissaanut pitsaanerpaamik atugassanut ilitsersuussinerup qulakkeerneqarnissaa.

Aammattaaq siunnersuisarnermik inatsimmi § 13, imm. 1-imi ilinniartitaanermut suliffeqarnermullu tunngatillugu ilitsersuisarnikkut suliniutit siunnerfilimmillu sulissutigisassat ingerlanneqarnerinut atugassatut ataasiakkaatut ilitsersuisarnerni paasissutissanik pissarsiarineqartunik kommunalbestyrelsip ilitsersuisarnermi suliaanik innuttaasullu ilinniartitaanikkut suliffeqarnikkullu tunngasutigut killiffiinik, nuna tamakkerlugu paasissutissanik qitiusumik katersaateqalernissaq siunertaralugu kommunalbestyrelsi Naalakkersuisunut ingerlatitsisassaaq.

Namminersorlutik Oqartussat ilinniarfeqarfiinut naleqqiullugu aalajangersagaq taamaaqataa atuutinngilaq § 13, imm. 2-mi aalajangersagaq eqqaassanngikkaanni, taanna malillugu, imm. 1-imi eqqaaneqartunut siunertanut Naalakkersuisut innersuussillutik ilinniarfiit ilitsersuussinermi suliaqarnerat pillugu paasissutissanik nalunaaruteqaqqullugit ilaatigut ilinniarfiit peqquneqarsinnaallutik. § 13, imm. 2-mili ilinniarfiit kisimik pineqarput, tassunga aamma ilanngullugit Namminersorlutik Oqartussat avataanni ilinniarfiit suliffeqarfiit imminut pigisut, kisianni kommunalbestyrelsiunngitsut.

Ikaarsaariarnermi siunnersuisarneq eqqarsaatigalugu § 19, imm. 2, allassimavoq, najukkami ilitsersuisarfiit, tassa ullumikkut Majoriat, ilinniartoqarfinnut naammassinninnissamut ikaarsaariarnermilu ilitsersuisarnernut piareersaanerni ikiuuttassasut. Majoriaq akuutinneqaraluartoq ilitsersuinerup naammassineqarnissaata qulakkeerneqarnissaanut illinniarfiit akisussaapput. Aalajangersakkami pissutsit ersersinniarneqartut tassa, ilinniartoqarfiit ilinniartoqarfinnut ataasiakkaanut malittarisassat atuutsinneqartut malillugit, ikaarsaariarnermi ilitsersuisarnissaminut aammattaaq pisussaaffeqartut.

Siunnersuisarnermik inatsimmi § 25-mit aamma takuneqarsinnaavoq inatsit naapertorlugu ilitsersuisarnermi suliassat ingerlanneqarnissaa pillugu Naalakkersuisut kommunalbestyrelsinut angusassat pillugit isumaqatigiissusiussapput. Tassunga ilaassapput kommunimi ilitsersuinermi sulinissamut anguniakkat, taakkununga tunngavigisat allaaserineqarneri ilitsersuinerlu pillugu naammassisassatut anguniakkanik aalajangersimasunik imaqaqalluni, soorlu aamma Naalakkersuisut kommuninut ataatsimoorussamik tapiissutit ikilisinnerisigut naammassisassatut anguniakkat aalajangersimasut naammassineqannginnerini Naalakkersuisut pineqaatissiisinnaasut.

Kommunalbestyrelsit, tassunga ilanngullugu Majoriap suliassai eqikkarlugit imatut allanneqarsinnaapput:

- kommunimi innuttaasunut tamanut inatsit malillugu ilitsersuussineq –
- inuusuttunut immikkut atugarliortunut ilinniarnissamut iliuseqarnissamut pilersaarutit qulakkeerneqarneri
- inuusuttunut siunnerfigineqartunut naleqqiullugu ornigulluni ilitsersuineq
- paasissutissanik naleqquttunik nalunaarsuineq nalunaaruteqartarnerlu
- kommunimi ilitsersuisarfinnik pilersitsineq ingerlatsinerlu, kommunimi

suliffissarsiuussisarfirmik kommunimilu atuarfirmik suleqateqartoq  
- meeqqat atuarfiannit iliuuseqarnissamut pilersaarutit atuartup ilinniaqginneranut  
malinnaatinneqarnissaasa qulakkeerteri  
- najukkami ilitersuinerup illuni tulluurtuni ilitersuisunit piukkunnaateqartunit  
ingerlanneqarnerata qulakkeerneqarnera

Suliassat siuliani taaneqartut Namminersorlutik Oqartussat pingaarnertut suliassaannut  
ataqatigiissinneqassapput, tak. siunnersuisarnermik inatsimmi § 3 aamma ilinniarfiit  
Namminersorlutik Oqartussat ataaniittut, kommunimi ilitersuisarfiup tunniunneqarnerani  
naammassinninnissamut ilitersuinissamut ikaarsaariarnermilu ilitersuinissamut  
akisussaammata.

Siunnersuisarnermik inatsimmi § 2, nr. 7-mit takuneqarsinnaavoq ujartuilluni ilitersuineq  
tassaasoq kaammattorneqarani innuttaasunut ataasiakkaanut saaffiginnilluni ujartuilluni  
ingerlatsinikkut ilitersuisarneq. Peqatigisaanik § 20, imm. 2-mit takuneqarsinnaavoq  
inuusuttunut meeqqat atuarfinit assigisaanniilluunniit atuartitaanermik naammassillutik  
atuarunnaarsimasunut, ilinniarnermik inuussutissarsiummilluunniit aallartitsisimanngitsunut  
imaluunniit ilinniagaqarnermik unitsitsisimasunut ujartuilluni ilitersuinissaq kommunip  
suliassarigaa. Tamatuma saniatigut ujartuilluni ilitersuussineq pillugu malittarisassanik  
allanik aalajangersaasoqarsimanngilaq, assersuutigalugu nalunaarutikkut.

Aammattaaq ilinniarfiit naammassinninnissamut ikaarsaariarnermilu ilitersuinerannut  
naleqqiullugu sukumiinerusunik najoqqutassanik nalunaarutikkut aalajangersaasoqarsimanani  
aammattaaq assersuutigalugu Majoriat imaluunniit ilinniarfiit ilitersuinissamut suliassaannik  
tulleriarinissaq pillugu malittarisassanik aalajangersaasoqarsimanani.

Siunnersuisarnermik inatsit immikkut qarasaasiat sularinissaat atorneqarnissaallu pillugit  
malittarisassanik imaqanngilaq, tassunga ilanngullugu assersuutigalugu Qarasaasiatigut  
Nalunaarsuisarfik, imaluunniit ilitersuisut aamma ilitersuinernik atuisut ilisimasanik  
atortusanillu naammaginartumik aallersinnaanerisa qulakkeerneqarnissaa siunertaralugu  
internetikkut "iserfissap ataatsip" pilersinneqarnissaa.

Siunnersuisarnermik inatsimmi malittarisassat saniatigut Piareersarfinni qitiusumik  
ingerlatsiviit suliarninnik ingerlatsinerat il.il. naliliisarneq pillugu Namminersornerullutik  
Oqartussat nalunaarutaanni nr. 17, 16. oktober 2007-imeersumi § 1-imit takuneqarsinnaavoq  
kommunimi suliffeqarnermi ilinniarsimassutsikkullu suliniutit nukittorsarsinnaajumallugit  
ilinniagaqarnissamut suliffeqalernissamullu periarfissat pillugit suliassanik isumaginninnissaq  
siunertaralugu kommuni Piareersarfirmik pilersitsisinnaasoq. Takuneqarsinnaasutut  
"taamaaliorsinnaanermik aalajangersagaq" pineqarpoq, taamaattumik assersuutigalugu  
ilitersuisarfirmik pilersitsinissamut nalunaarut namminermi kommunalbestyrelsimut  
pisussaaffiliinani. Nalunaarummi pineqarpoq, soorlu aamma taaguutaanit takuneqarsinnaasoq,

taamanikkut Piareersarfiit (maannakkut Majoriat) sulianik isumaginninnerannik nalilersuineq aamma paasissutissallu nalilersuinerimi atorneqartussat pissarsiarinissaat.

Kiisalu suliffissanut, ilitersuisarnernut pikkorissaqqinnernullu qitiusumik ingerlatsiviit pillugit Inatsisartut inatsisaanni nr. 28, 9. december 2015-imeersumi § 1-imi eqqaaneqartoq kommunit tamarnik illoqarfinni tamani kommunimiittuni suliffissanut, ilitersuisarnernut pikkorissaqqinnernullu qitiusumik ingerlatsivimmik pilersitsissasut. Tamatuma nanginnerani inatsimmi § 2, nr. 4, 5 aamma 6-imit takuneqarsinnaavoq piareersarfiit ilaatigut ilinniartitaanernut qinnuteqartunut siunnersuisassallutik qinnuteqartunillu allaffissornikkut aqutsinermik suliaqassasut, meeqqat atuarfiat suleqatigalugu klassit annerit siunnersorneqartarnerannik ingerlatsisuussasut aamma suliffissaqarnikkut siunnersuinermik suliffissarsiortunut neqerooruteqartassasut il.il. Aammattaaq inatsimmi § 5, imm. 1-imit takuneqarsinnaalluni naammassisassanut isumaqatigiissuteqarneq tunngavigalugu piareersarfiit ingerlatarissagaat. Tassunga tunngatillugu oqaatigineqassaaq suliffissanut, ilitersuisarnernut pikkorissaqqinnernullu qitiusumik ingerlatsiviit pillugit Inatsisartut inatsisaanni siullermik pineqarmata piareersarfiit suliassanik aalajangersimasunik suliakkerneqartut, taakkunanilu ilitersuineq suliassat arlaannut ilaalluni. Inatsisartut inatsisaat eqqaaneqartoq aamma nakkutilliinissamut pisussaaffiup ilaatut kisitsisitigut paasissutissanik pissarsinissaq pillugu aalajangersakkamik aamma imaqarpoq. Siunnersuisarneq pillugu Inatsisartut inatsisaat akerlianik pineqarpoq nalinginnaasumik ilitersuussineq, tassunga ilanngullugu Namminersorlutik Oqartussat ilinniarfeqarfiinut aamma Majoriamut meeqqallu atuarfiinut tunngatillugu kommunit ilitersuussinissamut suliassaannut naleqqiullugu. Aammattaaq suliffissanut, ilitersuisarnernut pikkorissaqqinnernullu qitiusumik ingerlatsiviit pillugit Inatsisartut inatsisaat suliffeqarfinnut tunngassuteqartunut apeqqutinut atalluinnarluni, akerlianilli siunnersuisarnermik inatsit annerusumik ilinniarfinni aallaaveqarluni.

#### b) Siunnersuut

Siunnersuut aallarniummi allanneqartutut siunertaavoq siunnersuisarneq pillugu Inatsisartut inatsisaanni atuuttumi nalilersuilluni nalunaarusiami innersuussutit ilaasa ilanngunneqarnissaat.

Tamanna siullermi siunnersuummi nr. 1-imi ilanngussisoqarneratigut, tamatumalu kingorna nuna tamakkerlugu ilitersuinermit periusissioinnissamut Naalakkersuisut pisussaaffeqarlutik.

Ilinniarfiit ilitersuinerannut sukumiinerusunik najoqqutassanik aalajangersaanissaq pillugu inatsisip piareersarnerani immikkoortoq 1.2.4-mi sammineqartut pingaarnerni allanneqartoq tunuliaqutaralugu ilinniarfiit naammassininnissamut ikaarsaariarnermilu ilitersuinnissamut ilinniarfiit pisussaaffeqarnerat pillugu siunnersuisarnermik inatsimmi § 10 immikkoortunik sisamanik ilaneqarpoq. Tamanna pivoq ilinniarfiit ilitersuinerisa pitsaassusilernissaat siunertaralugu, inunnu ilitersuinermik isumaginnittunut siunertat, qanoq ittuuneri aamma ilinniartitaanikkut piginnaasatigullu piumasaqaatit eqqarsaatigalugit. Ilinniartitaanikkut

piginnaasatigullu piunasaqaatit allatigut ullumikkut Majoriaqarfiit ilitsersuussinerannut naapertuupput, tak. siunnersuisarnermik inatsimmi § 12.

Tamatuma nanginnerani siunnersuisarnermik inatsimmi § 13, imm. 1-imi atuuttumi siunnersuutigineqarpoq aamma Namminersorlutik Oqartussat ilinniarfeqarfiutaasa ilaatinneqarnissaannut allangortinnissaa siunnersuutigineqarpoq. Taamaalilluni siunnersuutigineqarpoq nuna tamakkerlugu paasissutissanut tunngavinnik pilersitsinissaq siunertaralugu ataasiakkaanut ilitsersuinerni suliniutitik pillugit aamma innuttaasut ilinniartitaanikkut suliffeqarnikkullu killiffii pillugit paasissutissat kommunalbestyrelsinit ilinniarfinniillu nalunaarsorneqarlutillu Naalackersuisunut nalunaarutigisassagaat.

Siunnersuutit aamma § 2-mi atuutilernissaq pillugu aalajangersakkamik imaqarpoq. Piffissaq atuutilerfissaa 1. januar 2022-mut aalajangersarneqarpoq. Tassunga atatillugu piffissami atuutilerfiusumi ilinniarfinni atorfeqartunut ilitsersuisartunut naleqqiullugu ikaarsaariarnermi aalajangersagaq ikkunneqarpoq.

### **3. Pisortanut aningaasaqarnikkut allaffissornikkullu kingunissai**

Siunnersuummi aalajangersakkat arlallit annertuutigit ilitsersuinermi suliniummut atortutigit tunngavinnik erseqqissaasuupput, tassunga ilanngullugu ullumikkut ingerlanneqareersunik ilitsersuinermit sinaakkusiussanut malittarisassat. Aammattaaq aalajangersagaq pineqarluni aningaasaliissutitut tunngavigineqartutut atuuttut aallaavigalugit aqqissugaanikkut tulluarsaasoqarneratigit imarisaasa piviusunngortinneqarsinnaasut nalilerneqarlutik.

Tamanna ilaatigut siunnersuummi nr. 1-imut atuuppoq, taanna malillugu nuna tamakkerlugu ilitsersuinermit periusissioinnissamut Naalackersuisut piussaatinneqalerlutik, tamannalu assersuutigalugu Nuna Tamakkerlugu Ilitsersuisarfikkut pisinnaalluni.

Taamaaqataaniq oqaatigineqassaaq ilinniarfiit naammassinninnissamut ikaarsaariarnermilu ilitsersuussinerisa pitsanngorsarnissaanut tunngatillugu siunnersuummi 2 § 10, imm. 2 aamma 3-mi nr. 2-mi taamaallaat erseqqissarneqarmat naammassinninnissamut ikaarsaariarnermilu ilitsersuineq qanoq ingerlanneqassanersoq, tassunga ilanngullugit pissutsit tassunga atatillugu ilitsersuisut immikkut eqqarsaatigisassaat. Taamaalilluni pineqarluni maannakkut ilitsersuinermi suliat qanoq ingerlanneqarneri pillugit malittarisassaliorneq, taamaattumik aalajangersakkat tasaanatik ilinniarfiit nutaanik suliakkerneqartut.

Akerlianilli siunnersuummi nr. 2-mi § 10, imm. 4-mi naatsorsuutigineqarluni naammassinninnissamut ikaarsaariarnermilu ilitsersuinikkut ilitsersuinermik ilinniarfinni suliaqartunut piukkunnassutsikkut piunasaqaateqarnerup , kingunerisinnaallugu ilinniarfimmu pineqartumut aamma Nuna Tamakkerlugu Ilitsersuisarfimmu aalajangersimasunik aningaasatigit kinguneqassasoq. Taamaattoqassappat nutaanik atorfinitsitsisoqarneranut tamanna atuutissaaq, siunnersuutip atuutilersinnerata kingorna isumagineqartussat.

Siunnersuummi nr. 2-mi § 10, imm. 4-mut naleqqiullugu aningaasaqarnikkut kingunissai ukiumi kingullerni tallimani Namminersorlutik Oqartussat ilinniarfeqarfiini sulisutigut taarsaannerit aallaavigalugit naatsorsorneqarput, tassani ilitersuisut 35-it atorfinitsinneqarsimallutik. Taakkunanga 25-it Naalackersuisunit akuerineqartumik ilinniartitaanernut aamma inuussutissarsiutinut ilinniagaqarsimangillat. Tamanna tunuliaqutaralugu naatsorsuutigineqarpoq ilinniarfinni 15-ini ukiumut ilitersuisut nutaat tallimat atorfinitsinneqartut taamatut ilitersuisutut ilinniartitaanermik ingerlataqassasut, taamaaqataanik ilitersuinissamut suliaqarnissamut piginnaasaqarnertik uppersarsinnaangippassuk. Tassunga ilanngutissaaq Naalackersuisut tamanna pillugu qinnuteqartoqareernerata kingorna akuerisinnaavaat, ilitersuisarnerup inummit ilitersuisarnermi allaanerusunik piginnaasaqartumit utaqqiisaasumik ingerlanneqarnissaa, ilitersuisartooq pineqartoq Naalackersuisunit akuerisaasumik ilinniartitsinermik ilitersuisarnermillu ilinniarnermik ingerlataqarpat ilinniarnissamilluunniit pilersaaruteqarpat. Inuit tallimat ukiumut siunnersuummi piumasarineqartoq ilitersuisutut ilinniartitaaneq naammassissappassuk tamatuma kingunerissavaa ilinniarfinnut pineqartunut aningaasartuutit soorlu vikareqarnermut akissarsianut matussutissat aamma taakku pikkorissarnerannut atatillugu ilitersuisunut nutaatut atorfinitsinneqartunut ullormusiat. Tamatuma nanginnerani oqaatigineqassaaq maannakkut ilitersuussutitut ilinniartitaaneq ukiumik ataatsimik sivisussuseqarmat sapaatip akunneranillu sivisussuseqartumik sisamanik immikkoortoqarluni ullullu soraarummeerfiusut marluk. Ullut angalaffiusut ilanngunneqarpata naatsorsuutigineqarpoq ilinniarneq ilitersuisumut ataatsimut ukiumi ataatsimi ulluni 40-ni sivisussuseqassasoq. Tamatuma assigissavaa ukiumi ataatsimi ulluni 40-ni ullormusianut ullormusianut aningaasartuutit aamma ukiumi ataatsimi ulluni 40-ni vikareqartitsineq. Ullormusianut akigititanut naleqqiullugu taakku tassaapput ullormut unnuamullu ataatsimut tamakkiisumik nerisaqartitsiviusumi 141,75 kr.-it, nerisaqartitsineq Nuna Tamakkerlugu Iltersuisarfimmit akilerneqartartut. Ullormusiat taamaalilluni atuarfimmiinnerup kingunerisaanik ilitersuisunut ataatsimut ullunut 40-nut katillugit 5670 kr.-inik annertussuseqassapput. Taakku saniatigut qaammammut ataatsimut ullunullu qulinut vikarimut akissarsiassat AC-mut atorfinitsinneqartumut 39.271,56 kr.-it imaluunniit AK-mi atorfeqartumut 28.369,55 kr.-it.

Tamanna vikarimut ataatsimut 44.941,56 kr.-inik aningaasartuuteqarfiussaaq, vikari AC naapertorlugu isumaqatigiissuteqarpat aamma 34.039,55 kr.-iussalluni vikari AK-mi isumaqatigiissut malillugu atorfinitsinneqarsimappat. Ataatsimut isigalugu tamanna AC malillugu isumaqatigiissuteqartunut vikarini tallimanut katillugit 224.707,80 kr.-inik aningaasartuuteqarfiussaaq (imaluunniit vikari AK-mi isumaqatigiissut malillugu atorfinitsinneqarsimappat 170.197,80 kr.-iussalluni). Vikarit tallimat ilinniarfinnut 15-inut agguarsimasut pineqarmata aningaasartuutit tamarmiusut naatsorsuinikkut ilinniarfinnut naligiittumik agguartariaqassapput, tamannalu ilinniarfimmuut ataatsimut 14.980,52 kr.-inik ukiumut aningaasartuutaassalluni. Tamanna tunngavigalugu naliliisoqarpoq siunnersuummi nr. 2-mi § 10, imm. 4 ilinniarfinnut ataasiakkaanut ukiumut annerpaamik 14.980,52 kr.-inik

anigaasartuuteqarnermik kinguneqassasoq.

Majoriatulli paasissutissanik nalunaaruteqarnissamut ilinniarfiit pisussaaffeqarnerat pillugu siunnersuummi nr. 3 eqqarsaatigalugu, tak. Inatsisartut inatsisaanni § 13, imm. 1, malugineqassaaq ilinniarfiup nalinginnaasumik ingerlatsineranut atatillugu suliat naammassineqartussat tunuliaqutaralugit paasissutissanik arlalinnik ilinniarfiit nassiussisareermata, tassunga ilanngullugit ingerlatat pillugit kisitsisini, ilinniartitaanerni ataasiakkaani ilinniagaqartut amerlassusii, ilinniagaqarneriutininik aqutsineq il.il. tunngatillugu anigaasaliissutininut tunngaviusunut naleqqiullugu. Aammattaaq malittarisassani tunngaviit pigineqartut tunngavigalugit paasissutissanik attuumassuteqartunik Naalakkersuisut ilinniarfinit piumasaqarsinnaareerlutik, tassunga ilanngullugu Naalakkersuisut nakkutilliinerannut atugassat. Tassunga aamma ilaasinnaapput suliassaqaqfinni arlalinni pisariillisaanissaq aamma Naalakkersuisut siunnerfeqartumik suliniuteqarnerat siunertaralugu paasissutissatut tunngavittut atorineqarsinnaasut, tassunga ilanngullugit ilinniartitaanermut, ilitsersuussinermut suliffeqarnermullu attuumassuteqartunut suliniutininut naleqqiullugu. Siunnersuummi nr. 3 taamaattumik najoqqutassanik sulinernillu atuuttunik maleruagassanik allanneqarsimanngitsunik inatsisitigut allanneqaleneri, isumalluutitigut tunngaviit pioreersut aallaavigalugit aqqissugaanikkut tulluarsaanermi qulakkeerneqarsinnaasutut nalilerneqartut.

Siunnersuummi nr. 3-mi § 13, imm. 2-mi kommunalbestyrelsit ilanngunneqarnerininut naleqqiullugu maannakkut nalunaaruteqarnissamut pisussaaffioreersumut atatillugu tamanna isigineqassaaq, tak. inatsisit atuuttut pillugit nalinginnaasumik nassuiaatini siuliani allanneqartoq Nalunaaruteqartussaataaneq Suliffeqarnermut, suliffissarsiortut ilinniagaqalerniartullu sulilersinneqartarnissaannut kiisalu Kalaallit Nunaannut suliartortartunut tunngasunik kommunalbestyrelsit paasissutissanik nalunaaruteqartarnissaat pillugu Namminersornerullutik Oqartussat nalunaarutaat nr. 20, 19. november 2007-imeersumut aamma Namminersornerullutik Oqartussat nalunaarutaannut nr. 17, ulloq 16. oktober 2007-imeersumi Piareersarfinni qitiusumik ingerlatsiviit suliainnik ingerlatsinerat il.il. naliliisarneq pillugu atavoq. Tamassuma saniatigut angusassatut isumaqatigiissutit tunngavigalugit paasissutissanik kommunalbestyrelsit nalunaaruteqartarput. Aammattaaq meeqqat atuarfiat pillugu Inatsisartut inatsisaanni nr. 15, 3. december 2012-imeersumi, Inatsisartut inatsisaatigut nr. 21, 13. november 2017-imeersukkut allannagortinneqartumi § 37, imm. 2-mit takuneqarsinnaavoq meeqqat atuarfiat pillugu Inatsisartut inatsisaat malillugu suliaini isumaginissaanut pisariaqartutut isigineqartunik paasissutissanik kommunalbestyrelsi Naalakkersuisunit piumaffigineqarsinnaavoq.

#### **4. Inuussutissarsiortunut anigaasarsionnikkut allaffissornikkullu kingunissai**

Inuussutissarsiortunut anigaasatigut allaffissornikkullu kinguneqarnissaa naatsorsuutigineqanngilaq.

#### **5. Avatangiisinut, pinngortitamut inuillu peqqissusaannut kingunissai**

Siunnersuut avatangiisinut, pinngortitamut inuillu peqqissusiinut sunniuteqassanngilaq.

## **6. Innuttaasunut kingunerisassat**

Siunnersuut inatsimmik atoruminarnerusumik kinguneqassasoq naatsorsuutigineqarpoq, tassa ilinniarfiit naammassinninnissamut ikaarsaariarnermilu ilitersuinerannut malittarisassat erseqqissut aalajangersarneqarmata. Assersuutigalugu Majoriamut atuuttunut naapertuuttumik ilinniarfiit ilitersuussinerannut piginnaasaqarnissamut piumasaqaatip ikkunneqarneranut naleqqiullugu tamanna ilitersuinermut pineqartumut naatsorsuutigisinnaasanut tamatumalu suliassap naammassineqarnerani pitsaassutsip pitsaanerulerneranik kinguneqarsinnaasumik tamanna innuttaasunut ilinniarfinnullu erseqqinnerulersitsilluni.

## **7. Siunnersuutip kingunerisinnaasai pingaarnerit allat**

Siunnersuut allanik pingaarutilinnik kinguneqartitsinngilaq.

## **8. Pisortanik aamma kattuffinnik il.il. tusarniaaneq**

Siunnersuut piffissami 18. maj 2021-mit 15. juni 2021-mut Namminersorlutik Oqartussat tusarniaanernut nittartagaanni tamanut ammasumik saqqumitinneqarpoq piffissamilu tassani tusarniaaffissatut attuumassuteqartunut tamanut tusarniutigineqarluni. Tassunga atatillugu ilanngussaq 2 tusarniaanermut tunngasoq innersuunneqarpoq.

## **Siunnersuummi aalajangersakkanut ataasiakkaanut nassuiaatit**

### *§ 1-imut*

Nr. 1-imut

Aalajangersakkami pineqarpoq nuna tamakkerlugu ilitersuisarnermut periusissiorinnissamut Naalakkersuisut pisussaaffilerneqarnerat. Suliassat Naalakkersuisunit isumagineqartussat akornanni nr. 10-tut aalajangersakkap inissinneqarnerata takutiinnarpaa suliassaq pingaaruteqartoq pineqartoq, tassa suliassat normulersorneri tullerriaarinertut isigineqassanngimmat.. Inatsisartut Allattoqarfiani inatsisitigut misissuinikkut aalajangersagaq nr. 10-tut ilanngunneqarpoq nr. 1-iujunnaarluni, taamaalilluni Inatsisartut inatsisaanni aalajangersakkanik allanik arlalinnik aaqqiisuuteriarlugu.

§ 3-mi suliassat allat assigalugit suliassat qanoq aaqqissuunneqassanersut Naalakkersuisunit nammineq aalajangigassanngortinneqarpoq, tassunga ilanngullugu suliffeqarfimmuut sinaakkusiussat, tassungalu aamma ilaalluni tamanna nuna tamakkerlugu ilitersuisarfik aqqutigalugu ingerlanneqassanersoq pillugu apeqquut.

Tamatuma saniatigut aalajangersakkap assigaa qaqugukkulluunniit nuna tamakkerlugu ilitersuineranut periusissiaqassasoq Naalakkersuisunit allanngortinneqartussamik, tassunga ilanngullugu pisariaqartitsineq malillugu taarserneqarsinnaasoq imaluunniit

iluarsineqarsinnaasoq. Ilitsersuinnermut periusissiap pisariaqartitsineq naapertorlugu nutarterneqartarnissaa qulakkeerniarlugu Naalakkersuisut pisussaaffeqarput.

Nr. 2-mut

Aalajangersagaq tassaavoq ilinniarfiit naammassinninnissamut ikaarsaariarnermullu ilitsersuisarnerannik piginnaatitsilerneq, tak. aammattaaq siuliani nassuiaatini nalinginnaasuni allanneqarsimasut. Tassunga atatillugu ilinniarfiit tassatuaapput Namminersorlutik Oqartussat ilinniarfiutai.

Aalajangersagaq siunnersuisarnermik inatsimmi § 10-mik atuuttumik paragrafimi immikkoortunut nutaanut imm. 2-4-mut innersuussinertut katitigaavoq.

Imm. 2-mi taamaallaat pineqarpoq naammassinninnissamut ilitsersuussineq aamma ilinniarfinni ilitsersuisunit alaatsinaanneqartussanut ilitsersuussinermut atortutigut piumasagaatinik aalajangersaalluni. Pissutsit eqqaaneqartut aamma tassaapput ilinniarnermut attuumassuteqartut apeqqutit aalajangersimasut aamma pissutsit ilinniartut ilinniarnerinut toqqaannartumik pinngitsooratik atasariaqanngitsut. Taamaalilluni aamma ilinniartut nammineq atugaanut tunngasuusinnaalluni, pineqartup ilinniakkamik paarsinissaanut ajornartorsiortitsisinnaasut. Tassunga atatillugu ilitsersuussinermut aamma ilaasinnaapput assersuutigalugu inummut tarnikkullu pissutsinut tunngasutigut ikiuineq imaluunniit tarnikkut isumaginninnikkullu siunnersuineq.

Aammattaaq aalajangersakkami oqaaseqatigiit pingajuannit takuneqarsinnaavoq naammassinninnissamut ilitsersuussineq sapinngisamik siusissukkat aallartissimanissaa ajornartorsiutaasinnaasut sioqqunnissaat siunertaralugu imaluunniit ilinniagaqartup artorsaatigisinnaasaanik unammillernartunit ajoqusiinerit annikillisinneqarnissaat.

Aalajangersakkami imm. 3 taamaalilluni ima paasineqassaaq ilitsersuineq sapinngisamik ilinniakkap inuussutissarsiutillu ingerlanneranut naleqqiullugu ilinniartup nammineq pisariaqartunik aalajangiisinnaaneranut piareersarnissaa nukittorsarnissaalu siunertaralugu aaqqissuunneqarluni. Taamaalilluni paasineqarluni toqqaarneqartut ilinniagaqartumit nammineq aalajangiiffigineqarneri erseqqilluni assersuutigalugu ilitsersuisumit aalajangiiffigineqarnatik. Aammattaaq aalajangiinerit piviusorsioortumik paasissutissallu tunngavigalugit aalajangiiffigineqarsinnaassallutik, taamaalilluni pineqartup takorloorsimanngisaanik unammillernartunik annertunerusunik kingorna ilinniagaqartoq tupaallatsinneqarnani, aamma pineqartup ilinniakkaminik naammassinninnissaanut periarfissaanut naleqqiullugu pingaaruteqarsinnaasunik.

Aalajangersakkami imm. 4-mi pineqarput ilinniarfimmi ilitsersuisut piukkunnassusiannut piumasagaatit pineqarput, taanna malillugu Majoriami ilitsersuisunut atuuttut assigalugit piukkunnassutsimut piumasagaatit taakkununga atuutilerlutik, tak. Inatsisartut inatsisaat § 12, imm. 2.

Aalajangersakkami 1. imm. atuarneqarsinnaavoq Naalackersuisut ilinniartitaanikkut ilitsersuisutullu ilinniartitaanermik akuerisaannik ilitsersuisoq naammassisaqarsimassasoq imaluunniit Inatsisartut inatsisaat malillugu ilitsersuinissamut taamaaqataanik ilitsersuineramik suliaqarnermi piginnaasaqarnini uppersarsinnaassallugu. Piginnaasat qaffasissusiat Naalackersuisunit aalajangersimasumik nalilerneqassaaq. Piginnaasat qaffasissusiat Naalackersuisunit akuerineqarsinnaasut assersuutigalugu tassaasinnaavoq nunani allani ilitsersuisutut ilinniarneq. Aammattaaq universitetimi naleqquttumik ilinniagaqarneq imaluunniit isumaginninnermi siunnersortitut ilinniarneq pissutsit malillugit aamma eqqarsaatigineqarsinnaasoq. Aalajangersakkap oqaasertaani aamma takuneqarsinnaavoq taamaaqataanik ilitsersuineramik suliaqarnermi qaffasitsigisumik pinngitsoorani piginnaasaqartariaqanngitsoq, tassa tamanna aamma assersuutigalugu ilitsersuisutut suliaassanik ukiorpassuarni sulisimaneq tunngavigalugu tamanna qulakkeerneqarsinnaammat.

Aammattaaq aalajangersakkami oqaaseqatigiit aappaanni utaqqiisaagallartutut isikkoqartumik ilaatitsinnginnermik imaqarpoq. Malinneqartariaqanngitsunik malittarisassap atornissaanut piunasaqaataavoq inuup ilitsersuisarnermi ilaatigut piginnaasaqartup pineqarnera, inuillu tassunga peqatigitillugu ilitsersuisartutut ilinniartuussapput imaluunniit ilinniarnepur assinganik aallartingajalerlutik. Taamaalilluni ataavartumik malinneqartariaqanngitsoq pineqanngilaq, tassa aalajangersakkami piunasaqaataammat ilinniagaqarneq pillugu piunasaqaat piffissap ilaani malinneqassasoq. Ilinniagaqarsimanermik piunasaqaammik malinnginnerup sivisussusia pillugu apeqqut nalilersorneqassaaq. Tamanna aamma ilitsersuinermi sulinermi sutigut piukkunnaateqarneq pillugu apeqqummut atuuppoq, ilinniagaqarsimanissamut piunasaqaatip naammassineqarnissaq pisariaqartikkunnaarlugu. Piukkunnaateqarnerit taamatut ittut pingaarnertut ilitsersuisutut suliaassanik ukiorpassuarni sulisimanerit ilaapput.

Nr. 3-mut

Aalajangersakkap Inatsisartut inatsisaanni § 13 atuuttoq annertusivaa, pineqarlunilu paasissutissat immikkoortortaqaarfiit sumiiffinni akisussaasut paasissutissiissutaat tunngavigalugit nunami tamarmi paasissutissanik tunngavissanik pilersitsinissaq.

Imm. 1-ip assigiinnarpaa ilitsersuisutut sulinermit sullinniakkat pillugit annertunerusumik paasisimasaqarnissap qulakkeerneqarnissaa siunertaralugu paasissutissanut tunngavinnik ataatsimoorussanik pilersitsisoqarnissaanut Namminersorlutik Oqartussat ilinniarfeqarfiutai ikiuutissasut, taamaalilluni siunnerfeqartumik kinguneqarluartumillu ilitsersuinermi sulinissamut tunngaviusinnaallutik. Aalajangersakkami nutaamik pilersitsineq tassaavoq nalunaaruteqarnissamut pisussaaffik atuuttoq maannakkut Namminersorlutik Oqartussat ilinniarfeqarfiutaat ilaatilerlugit aamma erseqqissumik aalajangersaasoqarmat.

Ilinniarfiit nalunaaruteqartussaataitaaneranni pineqarput ullumikkut kommunalbestyrelsinut atuuttut paasissutissat assingi. Tassa imaappoq ilitsersuinermi suliniutit aalajangersimasut

pillugit paasissutissat aamma sullinniakkat cpr-normuinut, iliniarnikkut sulinikkullu tunuliaqutaannut tassunga ilanngullugu sulisimanerup annertussusaa aamma ilinniarnepup ingerlannerata naammassineqarsimanera kipitinneqarsimanelu kiisalu pikkorissarsimasinnaanernut tunngasut paasissutissat tassunga ilanngullugit ilitsersuunneqarnissamut neqeroorutit suut ataasiakkaanit pissarsiarineqarsimaneri pillugit paasissutissat.

Imm. 2-mi kommunalbestyrelsit ilanngunneqarnerat ikkunneqarpoq. Tamatuma kingorna kommunimi immikkoortut ilitsersuinikkut suliaannik nalunaaruteqarnissamut kommunalbestyrelsit peqquneqarnissaannut Naalakkersuisut aamma periarfissaqalissapput, siunnerfeqarnerusumik ataasiakkaanullu tulluarsarsimasumik ilitsersuineramik suliaqarnissap qulakkeerneqarnissaa peqqusinerup siunertarippagu. Kommunalbestyrelsit paasissutissaataannut ilaassapput meeqqat atuarfiisa aamma Majoriat ilitsersuineramik sulinerat.

Aalajangersakkami imm. 3-mi allatigut allannguisoqanngilaq, § 13-p allanngortinnissaanut siunnersuut pillugu paasititsinissaq ataqatigiissitsinissarluni siunertaralugu siunnersuummut taamaallaat ilanngunneqarmat. Aalajangersakkami imm. 1 aamma 2-mi allannguinert kingunerisaatut imm. 1 aamma 2-mi pissutsinut eqqaaneqartunut tunngasunik paasissutissanik ilinniartit nalunaarsuinerat nalunaaruteqartarnerallu pillugit malittarisassanik aalajangersaanissamut maannakkut piginnaatitsineq ilaalerpoq.

#### *§ 2-mut*

Aalajangersakkami siunnersuutit atuutilerfissaa allanneqarpoq. Nalilersuilluni nalunaarusiami innersuussutit piaarnerpaamik naammassineqarnissaat eqqarsaatigalugu piffissaliussaq toqqarneqarpoq.

Aalajangersakkami imm. 2 maannakkut pisinnaatitaaffiusut ataqqineqarnissaat siunertaralugu oqaasertalerneqarpoq. Tamanna ilinniartit atorfeqartut eqqarsaatigalugit pivoq, Inatsisartut inatsisaata piffissami atulersinnerani naammassinninnissamik ikaarsaariarnermilu ilitsersuineramik suliaqartunut, naak Naalakkersuisut akuerisaannik ilinniartitaanermik inuussutissarsiutinullu ilitsersuussinermut ilinniagaqarsimanngikkaluartut, imaluunniit taamaaqataannik ilitsersuinerami suliaqarnissamut piginnaasaqarnermik uppernarsaasinnaangikkaluartut.

<b>Siunnersuut inatsimmut atuuttumut sanilliullugu</b>	
<i>Oqaasertaliussat atuuttut</i>	<i>Inatsisissatut siunnersuut</i>
	<b>§ 1</b>  Kalaallit Nunaanni ilinniartitaanermit inuussutissarsiutinillu siunnersuisarneq pillugu Inatsisartut inatsisaanni nr. 4, 29. november 2013-imeersumi, Inatsisartut inatsisaatigut nr. 12, 27 november 2018-imeersukkut allanngortinneqartumi, imatut allannguisoqarpoq:
<p><b>§ 3.</b> Naalackersuisut makku isumagissallugit pisussaapput:</p> <ol style="list-style-type: none"> <li>1) ilitsersuisarneq nalilersortassallugu ineriartortissallugulu,</li> <li>2) ilitsersuisarneq ataqatigiissassallugu,</li> <li>3) ilitsersuisarneq pillugu paasissutissiisassallutik,</li> <li>4) ilitsersuisarnermi atortut suliarissallugit siaruartissallugillu,</li> <li>5) ilitsersuisartut ilinniartittassallugit ilinniarteqqittassallugillu,</li> <li>6) sumiiffinni ilitsersuisarfinnut tunngatillugu ilitsersuisarneq,</li> <li>7) misilittakkanik ilisimasanillu paarlaasseqatigiittarneq,</li> <li>8) attaveqarfigeqatigiittarnermik pilersitsineq tapersersortassallugu, aamma</li> <li>9) tarnikkut isumaginninnikkullu ilitsersuineq isumagalugu, tassunga ilanngullugu ilinniartunut tarnikkut katsorsaaneq, § 18, imm. 2. takuuk.</li> </ol>	<p><b>1.</b> § 3 nr. 9-p kingorna normutut nutaatut ilanngunneqassaaq: ”10) nuna tamakkerlugu ilitsersuinissamut periusissiornerup ingerlaavartumik nutarterneqartarnissaa”.</p>
<p><b>§ 10.</b> Ilinniarfiit akisussaaffigivaat ilinniartut ilinniakkaminnik naammassinninnissaat ikaarsaariarnissaallu pillugit ilitsersuisassallutik. Ilinniakkanut pineqartunut malittarisassat malillugit ilitsersuineq ingerlanneqartassaaq.</p>	<p><b>2.</b> § 10 imatut oqaasertalerneqassaaq: ” § 10. Ilinniarfiit ilinniagaqarniarlutik qinnuteqartunut ilinniakkamik naammassinninnissamut ikaarsaariarnermilu ilitsersuisarnissamut akisussaapput. Ilinniakkanut pineqartunut malittarisassat atuuttut malillugit ilitsersuineq ingerlanneqassaaq, taamaattorli tak. imm. 2-</p>

	<p>4.</p> <p><i>Imm. 2.</i> Ilinniarfiit naammassinninnissamut ilitersuinerat ilinniagaqartup ilisimasaanik, pikkorissusianik ilinniakkamilu piginnaasaanik ikorfartuillunilu ineriartortitsissaaq. Tassunga ilaapput inummut inooqataanermullu pissutsit, ilinniartitaanermi atuartitsissutinik qaffasissutsinillu toqqaaneq, takkutinngitsoorneq, kajumissuseq, karakterit, soraarummeernermi periuseq, soraarummeernissamut annilaanganeq, ilinniariaaseq, sulinermi ileqqut, suleqatigiissinnaassuseq aamma ilinniakkami atuaqatigiinnilu atugarissaarneq pillugu ilitersuineq. Naammassinnissinnaanermut ilitersuineq siusissukkut pitsaaliuilluni suliniutitut tunniunneqassaaq ilinniagaqartup ilinniarnerup annertuumik artukkiisutut misigisaqannginnissaa atuartitsinermullu naleqqiullugu katataannginnissaa qulakkeerniarlugu.</p> <p><i>Imm. 3.</i> Ilinniarfiit ikaarsaariarnermi ilitersuinerisa qulakkiissavaat ilinniartut ilisimatinneqarneq, eqqarsarfiusumik piviusorsioortumillu tunngaveqarlutik ilinniakkamik, inuussutissarsiummi aamma atorfimmi ingerlavissamik toqqaasinnaallutik. Tassunga ilaapput piginnaasat soqutigisallu paasisaqarfigineri, ilinniakkap imarisaanut, piumasaaqataanut, naatsorsuutigisanut, ingerlaqqinnissamut periarfissanut, ilinniartitsinermut, kulturimut avatangiisinut suliffeqarfinnillu ilisimasaqalernissap qulakkeerneqarnera.</p> <p><i>Imm. 4.</i> Naalackersuisunit akuerisaasumik ilinniartitsinermik inuussutissarsiutinullu siunnersuisarnermik ilinniagaqarsimasunit imaluunniit tassunga assingusumik ilitersuisinnaanermik piginnaasaqarnermik uppersaasinnaasunit inunnit naammassinninnissamut ikaarsaariarnermilu</p>
--	---

	<p>ilitsersuineq ingerlanneqassaaq. Naalakkersuisut tamanna pillugu ilinniarfinniit qinnuteqartoqareernerata kingorna ilitsersuisarnerup inummit siunnersuisarnermi allaanerusunik piginnaasaqartumit utaqqiisaasumik ingerlanneqarnissaa akuerisinnaavaat, ilitsersuisarteq pineqartoq Naalakkersuisunit akuerisaasumik ilinniartitsinermik siunnersuisarnermillu ilinniarnermik ingerlataqarpat ilinniarnissamilluunniit pilersaaruteqarpat.”</p>
<p><b>§ 13.</b> Ilinniartitaanermut suliffeqarnermillu tunngatillugu siunnersuisarnikkut suliniutit siunnerfilimmillu sulissutigisassat ingerlanneqarnerinut atugassatut ataasiakkaatut siunnersuisarnerni paasissutissanik pissarsiarineqartunik kommunalbestyrelsi siunnersuisarnermi suliaanik innuttaasullu ilinniartitaanikkut suliffeqarnikkullu tunngasutigut killiffiinik, nuna tamakkerlugu paasissutissanik qitiusumik katersaateqalernissaq siunertaralugu kommunalbestyrelsi Naalakkersuisunut ingerlatitsissassaaq.</p> <p><i>Imm. 2.</i> Imm. 1-imi siunertarisatut taaneqartut innersuussutigalugit, ilinniarfiit, meeqqat atuarfii namminersortut, efterskolit folkehøjskolellu ilinniarfiup siunnersuisoqarnikkut suliai pillugit paasissutissaatiminnik nalunaaruteqaqqullugit Naalakkersuisut peqqusisinnaapput.</p> <p><i>Imm. 3.</i> Imm. 1 aamma 2 naapertorlugit nalunaarsuisarneq paasissutissanillu nalunaaruteqartarneq pillugit Naalakkersuisut malittarisassanik aalajangersaasinnaapput, tassunga ilanngullugu paasissutissat elektroniskimik nalunaarsorsimanissaannik nalunaarutigineqarnissaannillu piunasaqarsinnaaneq pillugu.</p>	<p><b>3.</b> § 13 ima oqaasertaqassaaq: ” <b>§ 13.</b> Ilitsersuinikkut suliniutinik aqutsinermut aamma ilinniartitaanermut suliffeqarnermillu tunngatillugu anguniakkanut naleqqiullugu suliniutit siunnerfilernissaannut atugassanik nuna tamakkerlugu paasissutissanut tunngavinnik pilersitsinissaq siunertaralugu ataasiakkaanut ilitsersuinerni suliniutitik pillugit aamma innuttaasut ilinniartitaanikkut suliffeqarnikkullu killiffii pillugit paasissutissat kommunalbestyrelsinit ilinniarfinniillu nalunaarsorneqarlutillu Naalakkersuisunit nalunaarutigisassavaat.</p> <p><i>Imm. 2.</i> Imm. 1-imi siunertarisatut taaneqartut innersuussutigalugit, kommunalbestyrelsit, ilinniarfiit, meeqqat atuarfii namminersortut, efterskolit folkehøjskolellu ilinniarfiup ilitsersuisoqarnikkut suliai pillugit paasissutissaatissanik nalunaaruteqaqqullugit Naalakkersuisut peqqusisinnaapput.</p> <p><i>Imm. 3.</i> Imm. 1 aamma 2 naapertorlugit nalunaarsuisarneq paasissutissanillu nalunaaruteqartarneq pillugit Naalakkersuisut malittarisassanik aalajangersaasinnaapput, tassunga ilanngullugu paasissutissat elektroniskimik nalunaarsorsimanissaannik nalunaarutigineqarnissaannillu piunasaqarsinnaaneq pillugu.”</p>

	<p style="text-align: center;"><b>§ 2</b></p> <p>Inatsisartut inatsisaat ulloq 1. januar 2022-mi atuutilissaaq.</p> <p><i>Imm. 2.</i> Inatsisartut inatsisaanni § 1, nr. 2-mi § 10, imm. 4, 1. januar 2022 sioqqullugu ilitsersuisarnermik suliaqartutut taaneqartuni inunnut atorfeqartunut atorneqassanngilaq.</p>
--	--

**Siunnersuutip tusarniaassutigineqarnera**

Siunnersuut piffissami tusarniaaffiusumi ukununga tusarniaassutigineqarsimavoq:

Naalackersuisut Siulittaasuata Naalackersuisoqarfia  
Aningaasaqarnermut Nunamullu Namminermut Naalackersuisoqarfik  
Ineqarnermut, Attaveqatigiinnermut Naligiisitaanermullu Naalackersuisoqarfik  
Aatsitassanut Naalackersuisoqarfik  
Nunalerinnermut, Imminut Pilersornermut, Nukissiutinut Avatangiisinullu  
Naalackersuisoqarfik  
Peqqissutsimut Naalackersuisoqarfik  
Aalisarnermut Piniarnermullu Naalackersuisoqarfik  
Isumaginninnermut Sulisoqarnermullu Naalackersuisoqarfik  
Meeqqanut, Inuusuttunut, Ilaqutariinnut Inatsisillu Atuutsinneqarnerannut  
Naalackersuisoqarfik  
Inuussutissarsiornermut, Niuernermut, Nunanut Allanut Silallu Pissusaata  
Allangoriartorneranut Naalackersuisoqarfik  
Sulisitsisut (GE)  
SIK  
Kommune Kujalleq  
Kommuneqarfik Sermersooq  
Qeqqata Kommunia  
Avannaata Kommunia  
Kommune Qeqertalik  
Nuuk Internationale Friskole  
NUSUKA  
IMAK  
AK  
Nanu Børn  
MIBB Meeqqat Inuunerissut  
MIPI - Meeqqat Inuusuttullu pillugit ilisimasaqarfik  
Inuit Pisinnaatitaaffii pillugit Nunatsinni Siunnersuisoqatigiit  
Inuit Pisinnaatitaaffii pillugit institutit  
Knud Rasmussenip Højskolia  
Sulisartut Højskoliat  
NPK  
Avannaani Ilinniarnertuunngorniarfik  
Qeqqani Ilinniarnertuunngorniarfik  
Kalaallit Nunaanni Teknikimik Ilinniarnertuunngorniarfik (KTI)  
Campus Kujalleq  
INUILI

Kalaallit Nunaanni Imarsiornermik Ilinniarfik

NI-Nuuk

Peqqissaanermik Ilinniarfik

Ilisimatusarfik

Perorsaanermik Ilinniarfik

Savaatilinnngorniat Ilinniarfiat

Eqqumiitsuliornermik Ilinniarfik

ILI ILI

Avalak

ASG

Nuna Tamakkerlugu Ilitsersuisarfik

MIO

Kalaallit Nunaanni isumaginninnermi siunnersortit ilinniarsimasut peqatigiiffiat (NIISIP)

Inuit Innarluutillit Illersuisuat

Mælkebøttecenteri

Red Barnet

Peqatigiiffik Kalaallit Meerartaat

Kalaallit Røde Korsiat

Tusarniaanerp naammassereernerani tusarniaavigineqartunit ukuninnga akissutit tiguneqarput:

Naalakkersuisut siulittaasuata Naalakkersuisoqarfia, Aningaasaqarnermut Nunamullu Namminermut Naalakkersuisoqarfik, Isumaginninnermut Sulisoqarnermullu Naalakkersuisoqarfik, Meeqqanut, Inuusuttunut, Ilaqutariinnut Inatsisillu Atuutsinneqarnerannut Naalakkersuisoqarfik, Aalisarnermut Piniarnermullu Naalakkersuisoqarfik, Qeqqata Kommunia, Kommune Kujalleq, Innarluutillit illersuisuat, Inuit Pisinnaatitaaffii pillugit institutit Danmarkimiittoq, Ineqarnermut Attaveqatigiinnermullu Naalakkersuisoqarfik aamma Qitiusumik Ilinniarfiit Ataatsimut Siunnersuisoqatigiiffiat Sulisitsisut peqatigalugit tusarniaanermi akissutinik nassiussisimapput.

Tassunga atatillugu siunnersuummut nalinginnaasumik naammagisimaarinnineq tapersersuinerlu paasineqarsinnaavoq.

Tusarniaanermut akissutit tiguneqartut amerlasuutigut nalilersuineramik nalunaarusiamik malitseqartitsinissamut attuumassuteqarput, taannami Inatsisartut inatsisaata nutarterneqarneranit allaanerusumik suliarineqarnissaa pisariaqarmat, siunnersuummi nalinginnaasumik nassuiaatini tamanna pillugu allanneqartunut aamma nalilersuineramik nalunaarusiaq takuuk. Oqaaseqaatit tiguneqartuni arlallit nutarterinissamut tunngapput, tamannalu piviusunngortinneqarsinnaavoq sakkut allat soorlu nalunaarutit, ilitsersuutit, angusaqarnissamik isumaqatigiissutit, tatiginartumik suleriaatsinik allaaserinninnerit aqqutigalugit ingerlanneqarsinnaalluni.

Tamatuma saniatigut Qitiusumik Ilinniarfiit Ataatsimut Siunnersuisoqatigiiffiat Sulisitsisullu tusarniaanermi ataatsimoorussamik akissummik nassiussaminni oqaatigaat, ilitersuinnermut periusissiaq nutarterneqartarnissaa siunnersuutip nr. 1-ianut ilanngunneqarnissaa isumaliuutigineqarsinnaasoq. Tamanna ilanngunneqarpoq, imaalillugu nutarterinissamut pisussaaffik aalajangersakkap oqaasertaanut erseqqissumik massakkut allassimalerpoq.

Qitiusumik Ilinniarfiit Ataatsimut Siunnersuisoqatigiiffiat Sulisitsisullu inatsimmik allanngineq atuarfinnut aningaasartuutigut sunniuteqarnaviangitsumik isummersuutitut isumaqataanginnertik aamma oqaatigaat. Tusarniaanermut akissummut ataatsimoorussamut ilassutitut oqaatigineqassaaq, siunnersuisoqarnikkut suliat nalunaarsorneqarnissaat nalunaarutigineqarnissaallu qitiusumik ilinniarfinni inunnut ataasiakkaanut allaffissornikkut suliassaqarnerulernermik kinguneqassammat. Atuarfiit siusinnerusukkut allaffissornikkut suliassat tigusarnikuuaat, aningaasaliissutsit qaffanneqarnerinik kinguneqanngitsunik, tamatumalu siunissaq ungasinnerusoq eqqarsaatigalugu atuarfiit aningaasaqarnerannik mangiaalernera.

Qitiusumik Ilinniarfiit Sulisitsisullu oqaaseqaataanut tunngatillugu, Namminersorlutik Oqartussat ilinniarfiutaannut aningaasaqarnikkut aqutsinikkullu pisortanut kingunerisinnaasai, immikkoortoq 3-miittut siunnersuummut nalinginnaasumik oqaaseqaatinut innersuussisoqassaaq. Tassunga atatillugu oqaatigineqarpoq, siunnersuummi nr. 2-mi § 10, imm. 4 ilinniartitsinermik ilitersuisunit pisinnaasatigut piumasaqaatit pillugit ilinniarfinnut ataasiakkaanut ukiumut annerpaamik 14.980,52 kr.-nik aningaasartuuteqarnermik kinguneqassasoq.

Immikkoortumi tassani Majoriatulli paasissutissanik nalunaaruteqarnissamut ilinniarfiit pisussaaffeqarnerat pillugu siunnersuummi nr. 3-mut nassuiarneqarpoq, tak. Inatsisartut inatsisaanni § 13, imm. 1. Malugineqassaaq ilinniarfiup nalinginnaasumik ingerlatsineranut atatillugu suliat naammassineqartussat tunuliaqutaralugit paasissutissanik arlalinnik ilinniarfiit nassiussisareermata, tassunga ilanngullugit ingerlatat pillugit kisitsisini, ilinniartitaanerni ataasiakkaani ilinniagaqartut amerlassusii, ilinniagaqarneriutitik aqutsineq il.il. tunngatillugu aningaasaliissutitut tunngaviusunut naleqqiullugu. Aammattaaq malittarisassani tunngaviit pigineqartut tunngavigalugit paasissutissanik attuumassuteqartunik Naalakkersuisut ilinniarfinnit piumasaqarsinnaareerlutik, tassunga ilanngullugu Naalakkersuisut nakkutilliinerannut atugassat. Tassunga aamma ilaasinnapput suliassaqarfinni arlalinni pisariillisaanissaq aamma Naalakkersuisut siunnerfeqartumik suliniuteqarnerat siunertaralugu paasissutissatut tunngavittut atorneqarsinnaasut, tassunga ilanngullugit ilinniartitaanermut, ilitersuussinnermut suliffeqarnermullu attuumassuteqartunut suliniutitut naleqqiullugu. Siunnersuummi nr. 3 taamaattumik najoqqutassanik sulinernillu atuuttunik maleruagassanik allanneqarsimangitsunik inatsisitigut allanneqalerneru, isumalluutitigut tunngaviit pioreersut aallaavigalugit aqqissugaanikkut tulluarsaanermi qulakkeerneqarsinnaasutut nalilerneqartut.

Tamanna tunngavigalugu tusarniaanernut akissutit siunnersuummi allannguissamut pissutissaqartitsinngillat.

Tamatumunngalu atatillugu uani ataaniittumi tusarniaanermut atatillugu skemaliami (ilanngussaq 2) nalunaarsuutit innersuunneqassapput, tusarniaanermut akissutaasut tamarmik sammeneqarfigisaat aammalu oqaaseqarfigineqarneri. Tusarniaanermut akissutit siunnersuummut tunngassuteqanngitsut oqaaseqarfigineqanngillat.

### Tusarniaanermut akissutit pillugit allakkiaq

	Tusarniaavigin eqartoq	Oqaaseqaatit	Oqaaseqaatigineqartumut oqaaseqaatit
1	AN	Susassaqqarfimmi nalilersuilluni nalunaarusiaq attuumassutillip allap inerneru malitseqartitsinerlu 2019-imeersoq, tassa Majoriap ilitersuisarnernut pikkorissaqqinnernullu suliniutai pillugit EVA-miit nalunaarusiaq eqqaaneqanngilaq. Tamanna naapertuutinngilaq, aamma inatsisissatut siunnersuummut oqaaseqaatit nalilersuinerlut kingullermut isummersimasariaqaraluarput, tassami ilaatigut uani aalajangersakkanut siunnersuutit allamut saatinnissaat pisariaqarsinnaassammat.	Oqaaseqaat siunnersuummi nassuiaatinik ilaqartumut allannguissamut tunngavissiiisimanngilaq.  Tamatumani Danmarks Evalueringsinstitutip (EVA) nalunaarusiaa siunnersuisarnermik inatsimmik imaqqannginnera pissuteqarpoq. EVA’p nalunaarusiaa Majoriami sullissiviit suliasammik isumaginnittarneri pillugit misissuinerlut imaqqarpoq, uani ilaalluni pingaartumik Majoriami ilitersuisarnernut pikkorissaqqinnernullu suliniutaasa qanoq annertutigisumik qanorlu ilillutik innuttaasut akornanni pisariaqartitsisut sulilernissaminnut ilinniarnissaminnullu piareersimanissaasa nukittorsarneqarnissaanut siunertamik malinnaanersut nalilersorneqarluni.
1.1	AN	Oqaaseqaatit ataatsimut isigalugit	Oqaaseqaat siunnersuummi nassuiaatinik ilaqartumut

		<p>Aamma nalilersuinermik nalunaarusiat taakku marluk ataqatigiissumik sunniuteqarnerusumillu malitseqartinnissaat pingaaruteqarpoq. Inatsisissatut siunnersuummut nassuiaatini nalinginnaasuni aamma oqaatigineqartutuut inatsisissatut siunnersuummi matumani aalajangersakkat allanngortinneqarnissaat kisimi apeqqutaanngilaq, kisiannili ingerlaqqilluni suliffeqarfeqarnermut, ilinniartitaanermullu suliassaqarfiit akimorlugit peqataasut assigiinngitsunut, uani namminersorlutik oqartussanut kommuninullu. Malitseqartitsineq aalajangersakkanik allanngortitsinissamut allanngortinnissaannut siunnersuuteqarnermi aamma nalunaarutit malinnaatinneqartut suliarineqarnerisa saniatigut aamma taamaalilluni aaqqissuussaannikkut allannguissamut pisariaqartitsilersinnaavoq, aqutsissutinik nutarterinernik aamma aningaasaliissutitigut aaqqiivigineqartariaqarsinna apput, tassunga ilaalluni suliat naammassiniarnerini pingaarnersiuinernut</p>	<p>allannguissamut tunngavissiiisimannngilaq.</p> <p>Siunnersuummut oqaaseqaatini nalinginnaasuni allassimasutuut, nalunaarummut malitseqartitsinissaq siunnersuutigineqarpoq "Kalaallit Nunaanni Ilinniartitaanermut ingerlataqarfik; Ilinniartitaanermut inuussutissarsiutinillu siunnersuisarneq pillugu maannakkut suliniutinik nalilersuinermik misissuineq" (siunnersuisarnermik suliniutinik nalilersuineq pillugu nalunaarusiaq) august 2019-imeersoq.</p> <p>Aamma siunnersuummut nalinginnaasumik nassuiaataani aamma nalilersuinermit nalunaarusiami atuarneqarsinnaavoq, nalilersuinermit nalunaarusiamut malitseqartitsinissaq Inatsisartut inatsisaata nutarterneqarneranit allaanerusumik suliarineqarsinnaasoq. Taamaattumik tamanna sakkut allat soorlu nalunaarutit, ilitsersuutit, angusaqarnissamik isumaqatigiissutit, tatiginartumik suleriaatsinik allaaserinninnerit il.il. tunngavigalugit ingerlanneqarsinnaavoq.</p> <p>Kiisalu aamma suliniutinut allanut innersuussisoqarpoq,</p>
--	--	--	--

		<p>allanngortitsinissat.  Taamaamat  malitseqartitsinissamat  ataatsimoortumik  pilersaarusiornissaq  pisariaqarpoq,  maannakkummi  taamaattoqanngilaq, kisianni  soqutigisaqartut  attuumassutilinnit  piaarnerpaamik  suliarineqarnissaa  salliutinneqartariaqarpoq,  matumani ilanngullugit  naalackersuisoqarfiit  aamma soqutigisaqaqatigiit  suliamut peqataasut.  Sanilliussinerup uuma  aamma ilitersuisarnernut  ajornartorsiutip  suliassaqarfiit akimorlugit  suliasaanera pissutigalugu  aallaqqaatitut nalilersuinerit  marluk eqqaaneqartut  malillugit nalinginnaasumik  nassuiaatini  erseqqissaaffigineqarnissaat  innersuussutigineqarpoq.</p>	<p>assersuutigalugu "Suliniuummi  Imminut pilersornerulerneq"-  mut, taanna kommuninik  akuutitsinikkut  naalackersuisoqarfiit  akimorlugit suliniutaavoq  ilaatigut amerlanerusut  sulilernissaat aamma nammineq  pilersornissamat kaammattuutit  nukittorsarnissaannut  qulakkeerisussaq.</p> <p>Matumunnga tunngatillugu  oqaatigineqassaaq, "Suliniuummi  Imminut pilersornerulerneq"-  mut atatillugu  suleqatigiissitaaqqamik  pilersitsisoqarsimavoq,  inuusuttut sullinniakkanik  immikkut suliaqartunik.</p> <p>EVA'p nalunaarusiaanut  tunngatillugu, tusarniaanermut  akissuteqaat nr. 1-imut  innersuussisoqarpoq.</p>
1.2	AN	<p>1-imut § 3-mut allannguut:  Uani  siunnersuutigineqarpoq,  nuna tamakkerlugu  ilitersuinerimut  periusissior-toqassasoq</p> <p>Oqaaseqaatigineqartut:  Siunnersueriaatsinut  tamarmiusunut  <i>periusissiamik</i>  <i>pilersaarummik</i>  <i>ilanngussartalimmik</i>  peqarpat siunertamat</p>	<p>Oqaaseqaat siunnersuummi  nassuiaatinik ilaqartumut  allannguinnissamat  tunngavissiisimangilaq.</p> <p>Siunnersuutip nr. 1-ip  siunertavigaa nuna tamakkerlugu  ilitersuinerimut  periusissiornissamat  Naalackersuisut  pisussaatinneqartut.  Tusarniaanermi akissummut nr.  1.1-imut oqaaseqaatit aamma  innersuussutigineqarput.</p>

		<p>iluaqutaassaaq.  Maannakkut  apeqqutaalissaaq, ilitsersuut  qanoq  aaqqissuussaassanersoq  aamma ilaatigut  suliffeqarnermut  periusissiami inuiaqatigiinni  pingaaruteqariartuinnartu-  mut tunngatillugu aamma  ullumikkut inuusuttut  ornigulluni  ilitsersuinissamut suliassap  assigiinngitsumilu  kivitsiffigineqartup  aaqqinneqarsimannngitsu-  mullu tunngatillugu  pingaarnertut  Ilinniartitaanermut  periusissiap pilersaarutillu  qanoq illillutik taakku  ilanngunneqarnissaat.  Erseqqissaatigineqassaaq,  2030-mut  Ilinniartitaanermut  Periusissaq” 2021-p  ingerlanerani  naammassineqartussaam-  mat, aamma  Ilinniartitaanermut  pilersaarut II juuni 2021-mi  tusarniaavigineqarpoq.  Aalajangersakkamut uunga  nassuiaatini taamatut  ataqatigiinneq  iluaqutaasumik  eqqaaneqarsinnaavoq.</p>	<p>Peqatigisaanik  oqaatigineqassaaq, siunnersuutip  aalajangersimasumik 2030-mut  Ilinniartitaanermut Periusissaq  imaluunniit Ilinniartitaanermut  pilersaarut II-mut  tunnganngimmat, kisiannili  Kalaallit Nunaanni  Ilinniartitaanermut  ingerlataqarfik;  Ilinniartitaanermut  inuussutissarsiuutinillu  siunnersuisarneq pillugu  maannakkut suliniutinik  nalilersuineramik misissuineq”  (siunnersuisarnermik suliniutinik  nalilersuineq pillugu  nalunaarusiaq) august 2019-  imeersoq tunngavigalugu  suliarineqarsimammat.</p>
1.3	AN	<p>Oqaaseqaatinut  immikkoortuat 1.2.6.-imut.  Qarasaasiatigut  Nalunaarsuiffimmi  suliaqarnerup</p>	<p>Oqaaseqaat siunnersuummi  nassuiaatinik ilaqartumut  allannguinissamut  tunngavissiisimanngilaq.</p>

		<p>naammassineqarnera</p> <p>Immikkoortumi uani tamakku ilaatigut oqaatigineqarput: <i>"Innersuussummi inatsimmik naleqqusaanissamut tulluannigitsut pissutsit pineqanngillat. Taamaattumik innersuussut siunnersuummut naleqqiullugu suliniuteqarnissamut pissutissaqartitsinngilaq. Innersuussut taarsiullugu Qarasaasiatigut Nalunaarsuiffiup suli ineriartortinneranut atatillugu sammivilerneqassaaq."</i></p> <p>Naalackersuisoqarfiup soorunami eqqumaffigaa, qarasaasiakkut nalunaarsuiffiup IT Reg-ip ullumikkut suliassaqarfimmi atorneqarnera, kisiannili aaqqissuussaq arlaannaannulluunniit attuumassuteqanngitsoq pisortani allaffissornikkut sulianik suliaqarnissamut atorneqarsinnaappat naapertuunnerusaaq. Kisianni imaassinnaavoq IT Reg-ip aamma taassuma ineriartorteqqinnera tamatumunnga aallaavittut qaqugumulluunniit atuuttoq.</p>	<p>Aamma oqaatigineqassaaq, nalilersuinermi nalunaarusiap IT-reg systemi pillugu innersuussutai, innersuussut siunnersuussuutikkut sammivilerneqarsimanngimmat.</p> <p>Siunnersuuteqarneq isumaqanngilaq IT-reg tassaassasoq allaffissornikkut sulianik suliaqarnissamut pineqartumut aallaavittut qaqugumulluunniit atuutissasoq.</p>
1.4	AN	<p>Nuna Tamakkerlugu Ilitsersuisarfiup inissisimanera</p>	<p>Oqaaseqaat siunnersuummi nassuiaatinik ilaqartumut allannguinnissamut</p>

		<p>Aningaasanut inatsimmi, AI2021, 40.90.13-imi Nuna tamakkerlugu Iitersuisarfik, Majoriani Iitersuisarfiup suliassai arlaleriarlutik eqqaaneqaqattaarput, akerlianilli Iitersuisarfiup ukiumoortumik nalunaarusiaani eqqaaneqanngivillutik.</p> <p>Taamaalilluni erseqqissumik allassimasoqanngilaq, Iitersuisarfiup suliassai ilinniartunut innuttaasunullu Majorianiittut akornanni qanoq agguarneqarsimanersut, aammami taamatut inissisimaannarnissaa pineqartariaqanngilaq. Taanna nassuiaatini nalinginnaasuni allaaserineqarsinnaavoq, maannakkut suliassanik akisussaaffinnillu agguaassisimaneq aallaavigalugu, tassani agguataarisimanerup eqqarsaatigisassat pisariaqartitsinerit, suliassallu nutaat tunngavigalugit soorunalumi allanngortinneqarsinnaanera erseqqissarneqarluni, taakku ilinniartitaanikkut - suliffeqarnerlu pillugit</p>	<p>tunngavissiisimannngilaq.</p> <p>Nuna tamakkerlugu Iitersuisarfiup Majorianut tunngatillugu suliassaanut tunngatillugu, siunnersuisarnermik inatsimmut atuuttoq § 8 innersuutigineqarpoq, tassani allaqqavoq, Naalakkersuisut suliassat arlallit suliarinissaannut ilitersuiffiit atorsinnaagaat, inatsimmi §§ 3-5 aamma § 8 takuuk. Tassanilu assersuutigalugu Majorianut tunngatillugu imaarsaasarneq kiisalu suliassat allat Majoriat suliassaasa naammassineqarnissaanut tapertaasinnaasut.</p>
--	--	---	--

		<p>pilersaarusiormi  ataatsimoortumut atatillugu  periusissatigut  pisariaqartitsinerit  suliassallu  takuneqarsinnaassapput.  Taanna nalinginnaasumik  nassuiaatinut  ilanngunneqarluarsinnaa-  voq, takuuk  siusinnerusukkut nassuiaat.</p>	
1.5	AN	<p>Nuna Tamakkerlugu  Ilitsersuisarfiup  inissisimamera</p> <p>”Nuna Tamakkerlugu  Ilitsersuisarfik” immaqqa ima  taagorneqartariaqaralarpoq  ”Nuna tamakkerlugu  ilitersuussisarfik.” –  Tamanna aamma  Siunnersuisarneq pillugu  inatsit nr. 4 2013-  imeersumi § 6-imut  toqqaannartumik  naapertuunnerussagaluar-  poq, tassanimi  eqqaaneqarpoq, "nuna  tamakkerlugu  ilitersuisarfimmik"  pilersitsisoqarsinnaasoq  (aamma  ingerlatsisoqarsinnaasoq). –  Tamatuma saniatigut inatsit  nr. 4 2013-imeersoq  naapertorlugu kommunit  ilinniarsiillu innuttaasunut  ilinniarnissaq  inuussutissarsiummillu  ingerlataqalernissaq  siunertaralugu  ilitersuinissaq suliassaraat.</p>	<p>Oqaaseqaat siunnersuummi  nassuiaatinik ilaqartumut  allannguinnissamut  tunngavissiisimangilaq.</p> <p>Siunnersuisarnermik inatsimmi  § 6 siunnersuisarneq ataatsimut  isigalugu suliffeqarfiup  isumaginninnissaanut  ataqatigiissaarinissaanullu  inatsisitigut sinaakkusiinissamut  tunngavissiinnissap  qulakkeernissaa kisimi  siunertaavoq. Tamanna  aalajangersakkamut  oqaaseqaatini  ersarilluinnartumik  allassimavoq. Taamaammat  aalajangersakkami suliffeqarfik  aalajangersimasoq  aalajangersimasumik atilik  pineqanngilaq. Naalakkersuisulli  aalajangersagaq atorlugu suliffik  ”Nuna tamakkerlugu  Ilitsersuisarfik”-mik atilik  pilersissimavaat.</p>

2	Meeqqanut, Inuusuttunut, Ilaqutariinnut Inatsisillu Atuutsinneqar- nerannut Naalackersui- soqarfik	MIIAN-iup isumaqatigaa, ilinniarfiit qanoq ilillutik ilinniartut ilinniakkaminnik naammassinninnissaat ikaarsaariarnissaallu pillugit ilitsersuisassanersut pillugit inatsisiliornermi aalajangersakkanik erseqqinnerusunik ikkussisoqassasoq, takuuk § 10-p inatsisip allanngortinneqarnera pillugu siunnersuut, matumani imm. 2-4-llu atuuttunngortitsineq.	Siunnersuummut allannguutissatut siunnersuuteqartoqanngilaq.
2.1	Meeqqanut, Inuusuttunut, Ilaqutariinnut Inatsisillu Atuutsinneqar- nerannut Naalackersui- soqarfik	Taamaattorli innuttaasunut inuuniarnikkut atugarliortunut ilitsersuummut najoqqutassanik ersarinnerusunik ilanngussisoqarnissaa innersuussutigineqarpoq. Nuna tamakkerlugu assersuutigalugu inuusuttut sullinniakkat, tassa inuusuttut 16-25 akornanni ukiullit suliffeqanngitsut suliaqanngitsulluunniit unammillernartoqarput. 2018-imi nuna tamakkerlugu inuusuttut 32%-ii inuusuttut sullinniakkanut ilaapput. Inuusuttut ilinniarnermik ingerlatsinerannik attasiinnarnissamut taamaaliornikkullu siunissami periarfissagissaartinnissaan- nut eqimattat taakku immikkut	Oqaaseqaat siunnersuummi nassuiaatinik ilaqartumut allannguinnissamut tunngavissiiisimangilaq.  Innersuussutip akuerineqarnissaanut Inatsisartut inatsisaanni § 18, imm. 2-mi tunngavissaqarpoq. Taamaattumik ornigulluni ilitsersuiartortarneq pillugu nalunaarummi malittarisassanik erseqqinnerusunik aalajangersaanissaq pilersaarutaavoq, taamatutaaq nalinginnaasumik nassuiaatini immikkoortumi allassimasut naapertorlugit. 1.2.3.

		<p>tapersorsorneqarnissamut ilitsersorneqarnissamullu- nniit pisariaqartitsisinnaanerisa eqqumaffiginissaat pingaaruteqarpoq.</p>	
3	<p>Naalackersui- sut Siulittaasuata Naalackersui- soqarfia</p>	<p>Siullertut Naalackersuisut Siulittaasuata Naalackersuisoqarfiata inatsimmut allannguutissatut siunnersuut aqutigalugu Kalaallit Nunaanni ilinniartitaanermut ilitsersuisarnermullu suliniuteqarneq pillugu nalilersuineramik nalunaarutip, Naalackersuisut Europa- Kommissioni peqatigalugu 2018-imi suliniutigilersimasaata 2019-imilu saqqummertup malitseqartinneqarnissaa nuannaarutigaa.</p>	<p>Siunnersuummut allannguutissatut siunnersuuteqartoqanngilaq.</p>
3.1	<p>Naalackersui- sut Siulittaasuata Naalackersui- soqarfia</p>	<p>Ikaarsaariarnissamut ilitsersuutip (naammassinninnissamut ilitsersuut ilanngullugu) ilinniarfeqarfinni piukkunnarsarneqaqqinniku unera oqaatigineqassaaq. Taamaakkaluartoq Naalackersuisut Siulittaasuata Naalackersuisoqarfiata ilinniarfeqarfiit ikaarsaariarnissamut ilitsersuummi ilinniartut ilinniaqqinnissaannik sulilernissaannilluunniit kajumissaarinissamut</p>	<p>Oqaaseqaat siunnersuummi nassuiaatinik ilaqartumut allannguinnissamut tunnjavissiisimanngilaq.</p> <p>Ikaarsaariarnissamut ilitsersuummi taaguummi kissaatigineqartut ilanngunneqareerput. Siunnersuisarnermik inatsimmi atuuttumi assersuutigalugu § 2, nr. 4-mi atuarneqarsinnaavoq Ingerlaqqeriarnissamut ilitsersuisarneq tassaavoq ilinnigaqarnermit ilinnigaqaqqinnissamut ikaarsaariarnermut atatillugu</p>

		<p>annertunerusumik  pisussaaffilerneqassasut  kiisalu ingammik  ilinniartunut ilinniarnermi  sulinermiluunniit  ingerlaqqinngitsoornissamut  aarlerinartorsiortutut  nalilerneqartunut  orniguttarnissamut  pisussaaffilerneqassasut  kissaatigaa.</p>	<p>aamma ilinniaqarnermit  suliffeqalernermit atatillugu  ilitersuisarneq. Tamatuma  saniatigut pissutsit immikkut  ittut atuussinnaapput, tassa  imaappoq imaassinnaasoq  ilinniartuq assersuutigalugu  katsorsarneqarnissamik immaq  pisariaqartitsinera pissutigalugu  ilinniakkamik nutaamik  suliamilluunniit nutaamik  aallartitsisinnaanngitsoq.</p>
3.2	<p>Naalackersui-  sut  Siulittaasuata  Naalackersui-  soqarfia</p>	<p>Naalackersuisut  Siulittaasuata  Naalackersuisoqarfiata  nalunaarummi siuliani  taaneqartumi innersuussutit  qulit Kalaallit Nunaanni  ilinniartitaanermut  inuussutissarsiutinillu  siunnersuisarneq pillugu  Inatsisartut inatsisaata  atuuttup  allanngortinneqarneratigut  naammassineqassasut  aamma oqaatigaa.  Taamaattumik  Naalackersuisut  Siulittaasuata  Naalackersuisoqarfiata  innersuussutit  ataasiakkaarlugit  malitseqartinneqarnissaat  siunnersuummullu  nassuiaatini allassimasutut  iliortoqarnissaa  kajumissaarutigaa.</p>	<p>Siunnersuummut  allannguutissatut  siunnersuuteqartoqanngilaq.</p> <p>Nassuiaatinittaaq  takuneqarsinnaavoq  innersuussutit allat  malitseqartinneqarnissaat  iliuuseqarnissarlut  naatsorsuutigineqartoq.</p>
4	<p>Kommune  Kujalleq</p>	<p>Kommune Kujalliup  "siunnersuisarnermik  inatsisip"  allanngortinnissaanut  siunnersuut tigulluarpaa.</p>	<p>Siunnersuummut  allannguutissatut  siunnersuuteqartoqanngilaq.</p>

4.1	Kommune Kujalleq	<p>Nassuiaatinut annertoqisunut inatsisissatut siunnersuummut ilaasunut Kommune Kujalliup oqaatigissavaa, atsiortoq nuna tamakkerlugu oqalliffinni arlalinni ilaatigut ilitersuisarneq pillugu isumasioqatigiinnerni aamma "naalackersuinikkut ataqatigiissaarineq pillugu ataatsimiinnerni" oqallissaarummik, ilitersuineramik maannakkut aaqqissuussami, inatsisitigut tunngavissani, maligassiani il.il. unammilligassanut pingaartumik ikaarsaariarnissamut ilitersuutitut aammalu inuusuttunut tunngatillugu ilitersuutitut tunngasut saqqummiunnikuuai. Inatsisissatut siunnersuummi siunnersuummullu nassuiaatit pitsanngorsaanissamut aqutissiuussinerat naammagisimaarneqarput.</p>	Siunnersuummut allannguutissatut siunnersuuteqartoqanngilaq.
4.2	Kommune Kujalleq	<p>Inatsisaasut saniatigut malittarisassanik erseqqinnerusunik soorlu nalunaarutitik, maligassianik, ilitersuutitik ilaatigut ornigulluni ilitersuinermit tunngasunik assigisaannillu suliaqarnissamik sulissuteqarnissap inatsisissatut</p>	Siunnersuummut allannguutissatut siunnersuuteqartoqanngilaq.

		<p>siunnersuummut nassuiaatini arlalinni eqqaaneqarnera Kommune Kujalliup naammagisimaarlugu oqaatigaa, immikkoortoq 1.2.3. Ikaarsaariarnissamut ilitsersuut immikkoortoq 1.2.8. Kommune Kujalliup malittarisassat, ilitsersuutit assigisaallu taamaattut qilanaarai.</p>	
4.3	Kommune Kujalleq	<p>Meeqqat atuarfianni ikaarsaariarnermut ilitsersuutit eqqarsaatigalugit malittarisassanik tamakkiisunik soorlu nalunaarutunik, maligassianik ilitsersuutinilluunniit pisariaqartitsinerup inatsisissatut siunnersuummut nassuiaatini eqqartorneqarneranik ersittoqanngilaq. Suliassaqarfimmi tassani malittarisassanik tamakkiisunik aamma pisariaqartitsisoqarpoq, ilitsersuisarneq pillugu inatsimmi § 19, imm. 5 takuuk.</p>	<p>Siunnersuummut allannguutissatut siunnersuuteqartoqanngilaq.</p> <p>Malittarisassat tamakkiisut nassuiaatini taaneqartutut ilitsersuisarneq pillugu inatsimmi § 19, imm. 5 tunngavigalugu aalajangersarneqarsinnaapput.</p>
4.4	Kommune Kujalleq	<p>Naggasiutigalugu Kommune Kujalliup malittarisassat, ilitsersuutit, ilinniartitsisunut pileraarutit il.il., ikaarsaariarnermut ilitsersuutinut, inuussutissarsiutit</p>	<p>Siunnersuummut allannguutissatut siunnersuuteqartoqanngilaq.</p> <p>Siunnersuut allaffissornermi aqutsinikkut akuerineqartussa matumani pineqarpoq.</p>

		<p>ilinniarfiillu          ilisimatitsissutigineqartar-          nerannut, meeqqat          atuarfianni angajullit          klassiini pisussanut          tunngasut          nutarterneqarnissaasa          pisariaqarnerat          oqaatigissavaa.</p>	
4.5	Kommune Kujalleq	<p>Nassuiaatini immikkoortoq          1.2.7-mi pissutsit          ullumikkutut ittut,          nalunangilluinnartumik          ilitersuisarnerup          pitsaassusaanik          innuttaasullu suliffimmi          qaffakkiartornissamut          ilinniarnissamullu          tunngatillugu toqqagaannut          appariaataasut          nassuiarneqarput:          "Iltersuisartut aamma          ilitersuineramik atuisut          taamaattumik          paasissutissanik          atortussanillu          atorfissaqartitaminnik          nassaarniarlutik          assigiinngitsuni          ujartuisarput, tamannalu          paatsiveerunnermik          pisariaqanngitsumillu          piffissamik atuinermi          pilersitsilluni". Tamatuma          saniatigut atortussat          pissarsiarineqarsinnaareertut          pissarsiarineqarsinnaassusaa          llu tamarmiunngitsut          ilaannaali siunertamut,          assersuutigalugu          isumassarsionermut,          ilisimasaqalernissamut,</p>	<p>Siunnersuummut          allannguutissatut          siunnersuuteqartoqanngilaq.</p>

		<p>toqqaanermut toqqammaviliinissamut, assersuutigalugu ilinniagaq pillugu ilisimasaqarnerulernissamut naleqqupput. Pitsanngorsaanissamut erseqqissumik pisariaqartitsisoqarpoq!</p>	
4.6	Kommune Kujalleq	<p>Oqaaseqaatinut immikkoortoq 1.2.6: "Iltersuisartunut ataasiakkaanut allaffissornikkut sakkuunerup aamma sullissisuunerup aamma iltersuisarnermi suliniutip ineriartortinneranut ataatsimut isigalugu paasissutissatut katersuinermi sakkuunerup akornanni eqqortumik oqimaaqatigiissitsinissaq pisariaqarmat". (nammineq erseqqissagaq). Kommune Kujalliup najukkami iltersuinerit ingerlanneqartarnerannut tunngatillugu allaffissornikkut sakkussat naleqquttuunissaasa pingaaruteqarnerat erseqqissarusupaa. Sakkut taamaattut atorlugit paasissutissat tigulaariffigineqartariaqar- put - aamma arlaleriaammik/marloria- ammik naqitsinernut tunngaveqassanngillat, assersuutigalugu nalunaarutiginninnerit</p>	<p>Siunnersuummut allannguutissatut siunnersuuteqartoqanngilaq.</p>

		<p>nalunaarutillu pioreersut  naleqqutinngillat,  taakkunani  assigiinngitsumik,  elektroniskiusumik  namminerlu  nalunaarsuinissaq  kisitsinissarlu  pisariaqartinneqarmat,  tamannalu  piffissartuutaasorujuusarluni  .</p>	
4.7	Kommune Kujalleq	<p>Inuusuttunut ornigulluni  illitersuisarneq,  siunnersuineq pillugu inatsit  maannakkut atuuttumi § 20:  Majoriani tunngaviit  taamannak inuusuttunut 18-  iliineqanngitsunut  ornigulluni  siunnersuisarnissaat  naapertuutinngilaq.  Sullinniakkat pillugit  paasissutissanut  tunngatillugu immikkut  toqqammaveqarnissaq  aqqutissiuukkuminaappoq.  Ornigulluni  ilitersuinissamut tassunga  periutsinik suleriaatsinillu  ineriartortitsinissaq/suliarini  ssaat pisariaqartinneqarpoq.  Kommune Kujalleq ilaatigut  nalunaarutitigut,  maligassatigut,  ilitersuutitigut il.il.  ineriartortitsineq ornigulluni  ilitersuisarnermut  tunngatillugu  suliarineqassasoq  isumaqarpoq.</p>	<p>Siunnersuummut  allannguutissatut  siunnersuuteqartoqanngilaq.</p> <p>Allaffissornermi najoqqutassat,  soorlu nalunaarutit, ilitersuutit  maligassallu taaneqartut  suliarineqarnissaannut  siunnersuut akornusiinngilaq.</p>
4.8	Kommune	Aningaasaqarneq aamma	Siunnersuummut

	Kujalleq	<p>angusassat pillugit isumaqatigiissutit: Kommune Kujallip Majoriamut tunngatillugu angusassanut isumaqatigiissut suliffissanut, ilitersuisarnernut pikkorissaqqinnernullu qitiusumik ingerlatsiviit pillugit inatsimmiinnera erseqqissassavaa (inatsit nr. 28, 09.12.2015-imeersoq). Ilitersuisarnermik inatsimmi siunertarineqartutut "ilitersuisarnermi suliassanut" tunngatillugu majoriami angusassat pillugit isumaqatigiissutini aningaasaqarneq eqqarsaatigalugu nalinginnaasumik ilinniartunik siunnersuineq kommuninut ataatsimoortumik tapiissutinut atassuteqarmat killilerujussuarmik ilaatinneqarpoq. Kommune Kujallip angusassat pillugit isumaqatigiissutini siunertaq, suliassat aningaasaqarnerlu, tassunga ilanngullugu ilitersuinnermut tunngatillugu suliassat erseqqissarneqarnissaannik pisariaqartitsineq ataatsimut isigalugu piviusumillu uparuarsimavaa. Avinneqarnerat maannakkut atuuttoq erseqqinngilaq.</p>	<p>allannguutissatut siunnersuuteqartoqanngilaq.</p> <p>Majoriamut tunngatillugu angusassat pillugit isumaqatigiissummut inatsisitigut tunngaviit nassuiaatini Inatsisartut inatsisaannut, Isumaginninnermut Sulisoqarnermullu Naalakkersuisoqarfiup akisussaaffigisaanut attuumassuteqarnera eqqortuuvoq.</p>
--	----------	---	--

4.9	Kommune Kujalleq	Inatsisissatut siunnersuummi aalajangersakkanut ataasiakkaanut Kommune Kujalleq aalajangersimasunik oqaaseqaatissaqanngilaq, siunnersuutit anguniakkat angunissaannut naapertuuttutut nalilerneqarmata.	Siunnersuummut allannguutissatut siunnersuuteqartoqanngilaq.
4.10	Kommune Kujalleq	Naggasiutigalugu Kommune Kujalliup malittarisassat, maligassat, ilitsersuutit il.il. ilitsersuineranut inatsimmut atatillugu erseqqissumik ineriartortinneqartut qilanaarai.	Siunnersuummut allannguutissatut siunnersuuteqartoqanngilaq.
5	Qitiusumik Ilinniarfiit Ataatsimut Siunnersuisoqa tigiiffiat aamma Sulisitsisut	Nr. 1-ip allanngortinneqarneranut tunngatillugu maanna nuna tamakkerlugu ilitsersuisarnermut periusissiortoqarnissaata inatsisitigut piumasaqalenera pitsaasuvoq. Periusissaq ingerlaavartumik aalajangersimasumilluunniit uteqqiattumik piffissani aalajangersimasuni nutarterneqartarnissaa pillugu aalajangersakkamik ilanngussisoqarnissaa isumaliutigineqarsinnaavoq. Paragrafimi tassani nr. 2-mi suliniummik nalilersuisarnissamut piumasaqaat maanna aamma atuuppoq, tassungalu atatillugu iluatsillugu	Siunnersuummut nassuiaatini takuneqarsinnaasutut periusissaq pisariaqartinneqartillugu ingerlaavartumik nutarterneqartassaaq. Nassuiaatit tunuliaqutaralugit aalajangersakkamut ilanngussisoqarsimavoq, tamatuma kingunerisaanik Naalakkersuisut ilitsersuisarnermik periusissap nutartertarnissaanut pisussaaffeqalerput.

		<p>nalilersuineq taama ittoq qanoq akulikitsigisumik pisassanersoq pillugu nassuiaammik ilanngussisoqarsinnaavoq.</p>	
5.1	<p>Qitiusumik Ilinniarfiit Ataatsimut Siunnersuiso- qatigiiffiat aamma Sulisitsisut</p>	<p>Allannguut nr. 2-mut naammassinninnissamut ikaarsaariarnissamullu ilitersuineq pillugu itisilerlugu nassuiaanerit tikilluaqqusaangaarput, taamaattorli imm. 2 aamma 3 "Ilinniarfeqarfinni ilitersuisarneq"-mik immikkut qulequtalerneqarsinnaapput inatsimmilu kapitali 4-mut nuullugit, ilitersuisarnermut suliassanut tunngasunut.</p>	<p>Oqaaseqaat siunnersuummi nassuiaatinik ilaqartumut allannguinnissamut tunngavissiisimangilaq.</p> <p>Inatsisilerinermi teknikikkut oqaaseqaat ilanngunneqarsimangitsoq pineqarpoq. Inatsisartut inatsisaanni kapitali 4 ataatsimut isigalugu ilitersuinermit suliassanut tunngavoq, taamaattorli imm. 2 aamma 3 ilitersueriaatsinut taakkununnga marlunnut imm. 1-imi taaneqartunut erseqqissaataallutik. Taamaattumik imm. 2 aamma 3 imm. 1-imut ilassutaapput, taamaattumik imm. 2 aamma 3 paragrafimi tassani ilassutitut ilanngunneqarnikuupput.</p>
5.2	<p>Qitiusumik Ilinniarfiit Ataatsimut Siunnersuiso- qatigiiffiat aamma Sulisitsisut</p>	<p>ilitersuisarnermik suliassap isumagineqarallartarnissa-annut tunngatillugu immikkut akuersisarneq eqqarsaatigalugu sulisoq ilitersuisutut sulilernerminiit ilitersuisutut imaluunniit ilinniartunut ilitersuisutut ilinniarnep aallartissimanissaanut piffissaliussa q aalajangersarneqarneratigut, imm. 4-p allaffissornikkut</p>	<p>Oqaaseqaat siunnersuummi nassuiaatinik ilaqartumut allannguinnissamut tunngavissiisimangilaq.</p> <p>Siunnersuutigineqartutuut piffissamik killiliinissaq Naalackersuisut naapertuuttutut isiginngilaat. Pissutsit immikkuullarissut sulisup nammineq pisuussutiginngisai pissutigalugit pineqartoq assersuutigalugu ilinniakkamik ingerlaannartumik</p>

		isumagineqarnera ajornannginnerulissaaq.	aallartitsisinnaaneq ajorpoq. Pisunilu taama ittuni pineqartoq atorfirmut piukkussaniit tunuartinneqassanersoq nalilersoqqissaarneqartariaqarpoq.
5.3	Qitiusumik Ilinniarfiit Ataatsimut Siunnersuiso- qatigiiffiat aamma Sulisitsisut	Allannguummut kingullermut tunngatillugu § 13, imm. 3-mi aalajangersakkami "malittarisassiorsinnaapput" "malittarisassiussapput"-mut allanngortinneqassasoq KNII-p siunnersuutigissavaa. Nalunaarsortarnissamut piumasaqaammi, nuna tamakkerlugu paasissutissanik tunngavissanik, annertunerusumik naammassinnittoqarnissaanut periusissianik suliniutissanillu suliaqarnermut atugassanik pilersitsinissaq siunertaappat, Naalakkersuisut najoqqutassanik erseqqissunik aalajangersaanissaat pingaaruteqarpoq, taamaalilluni nalunaarsuisarneq nalunaarutiginninnerillu assigiissumik pisassapput, atuarfimiit atuarfirmut illoqarfimiit illoqarfimmut assigiinngitsumik pinatik. Taamaattumik Naalakkersuisut tamanna qanoq pissanersoq pillugu	Oqaaseqaat siunnersuummi nassuiaatinik ilaqartumut allannguinissamut tunngavissiiisimangilaq. Imm. 3 -sinnaapput-mik oqaaseq naanilerneqarsimavoq, pisariaqartutut nalilerneqarpat taamaallaat iluarsiiisoqassammat. Taamaalillutik najoqqutassat kissaatigineqartut malittarisassanik aalajangersaanikkuunngitsoq, assersuutigaluguli ilitersuutikkut nalunaarutigineqarsinnaassapput. Taamaalilluni ilitersuutit malinneqanngippata malittarisassanik aalajangersaasoqassaaq.

		siusissukkut najoqqutassiortariaqarput.	
5.4	Qitiusumik Ilinniarfiit Ataatsimut Siunnersuiso- qatigiiffiat aamma Sulisitsisut	Inatsisip allanngortinneqarnera atuarfinnut anigaasartuutunik nassataqannginnissaanik isumaqarneq isumaqataaffigineqanngilaq.	Oqaaseqaat siunnersuummi nassuiaatinik ilaqartumut allannguinnessamut tunngavissiiisimannilaq.  Aallaqqaasiutigalugu oqaatigineqassaaq, atuarfinnut anigaasartuutunik nassataqarnaviannginnera pillugu siunnersuummut nassuiaatini allassimasoqanngilaq. Tamanna pillugu siunnersuummi pisortanut anigaasaqarnikkut allaffissornikkullu kingunerisassai pillugit nassuiaatini nalinginnaasuni immikkoortoq 3-mi Namminersorlutik Oqartussat ilinniarfeqarfiinut anigaasaqarnikkut kingunissai pillugit allassimasut innersuussutigineqarput. Tassunga atatillugu oqaatigineqarpoq, siunnersuummi nr. 2-mi § 10, imm. 4 ilinniarititsinermik ilitersuisunit pisinnaasatigut piumasaqaatit pillugit ilinniarfinnut ataasiakkaanut ukiumut annerpaamik 14.980,52 kr.-nik anigaasartuuteqarnermik kinguneqassasoq.  Immikkoortumi tassani Majoriatulli paasissutissanik nalunaaruteqarnissamut ilinniarfiit pisussaaffeqarnerat pillugu siunnersuummi nr. 3-mut

			<p>nassuiarneqarpoq, tak.  Inatsisartut inatsisaanni § 13,  imm. 1. Malugineqassaaq  ilinniarfiup nalinginnaasumik  ingerlatsineranut atatillugu suliat  naammassineqartussat  tunuliaqutaralugit  paasissutissanik arlalinnik  ilinniarfiit nassiussisareermata,  tassunga ilanngullugit ingerlatat  pillugit kisitsisini,  ilinniarititaanerni ataasiakkaani  ilinniagaqartut amerlassusii,  ilinniagaqarnersiutinik aqutsineq  il.il. tunngatillugu  aningaasaliissutinut  tunngaviusunut naleqqiullugu.  Aammattaaq malittarisassani  tunngaviit pigineqartut  tunngavigalugit paasissutissanik  attuumassuteqartunik  Naalakkersuisut ilinniarfinnit  piumasaqarsinnaareerlutik,  tassunga ilanngullugu  Naalakkersuisut  nakkutilliinerannut atugassat.  Tassunga aamma ilaasinnaapput  suliassaqarfinni arlalinni  pisariillisaanissaq aamma  Naalakkersuisut  siunnerfeqartumik  suliniuteqarnerat siunertaralugu  paasissutissatut tunngavittut  atorneqarsinnaasut, tassunga  ilanngullugit ilinniarititaanermut,  ilitersuussinermut  suliffeqarnermullu  attuumassuteqartunut  suliniutinut naleqqiullugu.  Siunnersuummi nr. 3  taamaattumik najoqqutassanik  sulinernillu atuuttunik</p>
--	--	--	--

			<p>maleruagassanik  allanneqarsimannigitsunik  inatsisitigut allanneqaleneri,  isumalluutitigut tunngaviit  pioreersut aallaavigalugit  aaqqissugaanikkut  tulluarsaanermi  qulakkeerneqarsinnaasutut  nalilerneqartut.</p>
5.5	<p>Qitiusumik  Ilinniarfiit  Ataatsimut  Siunnersuiso-  qatigiiffiat  aamma  Sulisitsisut</p>	<p>Ilitsersuineramik suliniutit  ataasiakkaarlutik  nalunaarsortarnerannik  nalunaarutigisarnerannillu  qitiusumik ilinniarfinni  allaffissornikkut  suliassaqarnerulissaaq.  Atuarfiit siusinnerusukkut  allaffissornikkut suliassat  tigosarnikuuaat,  anigaasaliissutsit  qaffanneqarnerinik  kinguneqanngitsunik,  tamatumalu siunissaq  ungasinnerusoq  eqqarsaatigalugu atuarfiit  anigaasaqarnerannik  mangiaalenera.</p>	<p>Oqaaseqaat siunnersuummi  nassuiaatinik ilaqartumut  allannguissamut  tunngavissiisimangilaq.</p> <p>Aammattaaq qulaani nr. 5.4-imi  oqaaseqaatinut allanneqartunut  innersuussisoqarpoq.</p>
5.6	<p>Qitiusumik  Ilinniarfiit  Ataatsimut  Siunnersuiso-  qatigiiffiat  aamma  Sulisitsisut</p>	<p>Tamatuma saniatigut  oqaatigineqassaaq,  nassuiaatini qupperneq 6-  imi ilinniarfinnut  akuerisaasarnermut  tunngasup nalunaarut  tunngavigalugu siunissami  allanngortinneqarnissaanut  nassuiarneqartup  atuutilersinneqarnerata  kingunerisaanik  anigaasaliissutinik  majoriamiit qitiusumik  ilinniarfinnut  nuussisoqarnissaa</p>	<p>Siunnersuummut  allannguutissatut  siunnersuuteqartoqanngilaq.</p>

		pisariaqalissaaq.	
5.7	Qitiusumik Ilinniarfiit Ataatsimut Siunnersuiso- qatigiiffiat aamma Sulisitsisut	Qitiusumik ilinniarfiit 29. oktober 2018-imi allakkatigut nr. 2018-012-ikkut oqaatigisimavaat, atuarfiit ilinniarneq tamaat naammassinninnissamut ilitsersuineq akisussaaffigerusullugu kissaateqarsimapput, tamanna allannguutissatut siunnersuummut ilanngunneqarsimanngitsoq takuneqarsinnaavoq. Tamanna suli kissaatigineqarpoq tamannalu ilanngunneqarpat aningaasanik majoriamiit qitiusumik ilinniarfinit nuussisoqarnissaa pisariaqartinneqalissaaq.	Oqaaseqaat siunnersuummi nassuiaatinik ilaqartumut allannguinnissamut tunngavissiisimanngilaq.  Oqaatigineqartut "Kalaallit Nunaanni Ilinniartitaanermut ingerlataqarfik; Ilinniartitaanermut inuussutissarsiutinillu siunnersuisarneq pillugu maannakkut suliniutinik nalilersuinermik misissuineq" (siunnersuisarnermik suliniutinik nalilersuineq pillugu nalunaarussiaq) august 2019-imeersumik nalilersuinermi immikkut innersuussinertut allassimanngillat.  Taamaakkaluartoq ilitsersuisarnikkut suliassanik aaqqissuussinerup sularinerata ingerlateqqinnerani apeqqutip ilanngunneqarnissaa naatsorsuutigineqarpoq.  Inatsisartut inatsisaanni atuuttumi § 10 aamma siunnersuummi § 10, imm. 1 naapertorlugit naammassinninnissamut ilitsersuineq ilinniarfeqarfinit, tassunga ilanngullugit qitiusumik ilinniarfinit isumagineqarnerat aamma oqaatigineqassaaq.
5.8	Qitiusumik Ilinniarfiit Ataatsimut Siunnersuiso-	KNII-p naggasiutigalugu qinnutigissavaa, Kalaallit Nunaanni Qitiusumik Ilinniarfiit allattoqarfiat	Siunnersuummut allannguutissatut siunnersuuteqartoqanngilaq.

	qatigiiffiat aamma Sulisitsisut	nassinneqartartut allattorsimaffiannut ilannguteqqinneqassasut e- mailkkut nassiussivissalimmik taamaalillutik siunissami <a href="mailto:knii.gbs@gmail.dk">knii.gbs@gmail.dk</a> tusarniaassutit tassuunaatigut tiguneqartalissallutik.	Qinnutigineqartoq akuerineqarpoq.
6	Isumaginnin- nermut Sulisoqarner- mullu Naalackersui- soqarfik	Inatsisissatut siunnersuummut nalinginnaasumik nassuiaatini nalilersuinermit "Kalaallit Nunaanni Ilinniartitaanermut ingerlataqarfik; Ilinniartitaanermut inuussutissarsiutinillu siunnersuisarneq pillugu maannakkut suliniutinik nalilersuinermik misissuineq" innersuussutit aallarniummiit aallartittumik eqqartorneqalerput. Tamanna siunnersuutip pingaarnertut imarisaanut tunngatillugu paatsoortitsisinnaavoq. Taamaattumik nalilersuinermit innersuussutit eqqartorneqarneri siullertut eqqartornagit tullinnguuttunut inissinneqarsinnaapput, taamaalillutik siunnersuummi pingaarnertut imarisat siulliussallutik..	Oqaaseqaat siunnersuummi nassuiaatinik ilaqartumut allannguinnissamut tunngavissiisimangilaq.  Innersuussutit taaneqartut nalinginnaasumik nassuiaatini inatsimmik piareersaanermi pingaarnertut imarisat pillugit immikkoortumi allanneqarsimapput. Naleqqussaansap pisariaqartitsineq pillugu immikkoortumik nalilersuinermi nalunaarusiami inerniliussanit innersuussutinillu maannakkut pingaartinneqartut naleqqussaasoqarnissaanik pisariaqartitsinermik tassunga ilaapput aamma naleqqussaansamut pisariaqartitsinerit ataasiakkaat inatsisitigut, allaffissornikkut suliniuteqarnikkut akuerineqassanersut imaluunniit naleqqussaansamut pisariaqartitsinerit uparuarneqartut ilitsersuisarnermik ingerlatat tulluarnersumik aaqqissuunnerisigut aaqqinneqassanersut

			<p>isummerfigineqarnissaat pillugit nassuiaasoqarpoq.</p> <p>Tassunga oqaatigineqassaaq, immikkoortoq Namminersorlutik Oqartussat inatsisiliornermut najoqqutassiaat naapertorlugit suliarineqarnikummat.</p>
6.1	Isumaginnin- nermut Sulisoqarner- mullu Naalakkersui- soqarfik	Tamatuma saniatigut ilitersuisarnermut ataatsimut periutsimik, suliaasaqarfiit killiinik aammalu immikkut isigineqartariaqakkanik erseqqissaasinnaasumik suliaqartoqarnera ISN-ip pitsaasutut isigaa.	Siunnersuummut allannguutissatut siunnersuuteqartoqanngilaq.
7	Qeqqata Kommunia	Siullertut ilitersuisarnermut suliniuteqarnermut inatsisissatut siunnersuut piginnaasanik kivitseqataanissaanut naatsorsuutigineqartumut Qeqqata Kommunia qujavoq. Taamatullu ilitersuisarnermut suliniuteqarnermi akisussaaffiit agguataarneqarnerisa ersarissarneqarnerat kommunimit nuannaarutigineqarpoq.	Siunnersuummut allannguutissatut siunnersuuteqartoqanngilaq.
7.1	Qeqqata Kommunia	§ 10, imm. 2-mut tunngatillugu Qeqqata Kommuniata ilitersuinermut ilinniarsimasut atorfinitsinneqareersut apeqquserpai, akissarsiaat tapeqartinneqassanersut imaluunniit akissarsiaat	<p>Siunnersuummut allannguutissatut siunnersuuteqartoqanngilaq.</p> <p>§ 10, imm. 2-mi ilitersuisartut ilinniagaqarsimanissaanik piunasaqaat pineqanngilaq. § 10, imm. 2-mi taamaallaat pineqarpoq</p>

		<p>qaffanneqassanersut, taamaaliortoqassappallu kommunimut aningaasaqarnikkut annikitsumik kinguneqassaaq.</p> <p>Qeqqata Kommuniata uparuarusuppa, ilitsersuinermut ilinniartitsinermi, piffissami tamarmik paarlatseqarnissamik pisariaqartitsisoqassasoq. Tassunga atatillugu kommunimit taakkartorneqarusuppoq, parlatsissanik sulisussarsiorneq aamma kommunimut aningaasaqarnikkut kinguneqartussaammat.</p>	<p>naammassinninnissamut ilitsersuussineq aamma ilinniarfinni ilitsersuisunit alaatsinaanneqartussanut ilitsersuussinermut atortutigut piunasaqaatinik aalajangersaalluni. Nassuiaatini eqqaaneqartutut naammassinninnissamut ilitsersuinerup sunik imaqarneranik erseqqissaaneq tamatumani pineqarpoq taamaalillunilu suleriaatsimik iluarsaassineq pineqarluni. Taamaattumik ilitsersuisartut nutaanik suliakkerneqanngillat.</p> <p>Nassuiaatit aamma immaq § 10, imm. 4-mut tunngasinnaapput, tassani ilinniarfeqarfinni ilitsersuisartunut piginnaasassatut piunasaqaatinut tunngagaluarpot.</p> <p>Illuatungaani Majoriani ilitsersuisussanut piginnaasassatut piunasaqaatit Inatsisartut inatsisaanni § 12-mi, 1. januar 2014-imiilli atuuttumi allassimapput. Taamaattumik kommunini ilitsersuisut siunnersuummit kalluarneqanngillat.</p>
7.2	Qeqqata Kommunia	<p>§ 13, imm. 1-imut tunngatillugu ilitsersuisarnermut suliniut qanoq nalunaarutigineqartassanersoq pillugu paasissutissanik Qeqqata Kommunia</p>	<p>Oqaaseqaat siunnersuummi nassuiaatinik ilaqartumut allannguinnissamut tunngavissiiisimangilaq.</p> <p>Kommunalbestyrelsip nalunaaruteqartussaataitaneranut</p>

		<p>kissaateqarpoq.  Paasissutissat  kissaatigineqartut  nalunaarsorneqarnissaat  systemimik  pilersitsisoqarnissaa  kommunimit  kissaatigineqarpoq,  paasissutissallu  ikaarsaarnermi  ingerlateqqinneqarsinnaan-  ngorlugit, Majoriap  systemianut  atassuserneqarsinnaanngor-  lugu. Taamatuttaaq  ilitsersuisarnermut  paasissutissat  pisariaqartinneqartut  nalunaarutitigut  erseqqissarneqarnissaat  kissaatigineqarpoq.</p>	<p>tunngatillugu allannguutissanik  siunnersuuteqartoqanngilaq.  Kommunalbestyrelsit  nalunaarnissamut pisussaaffii  Inatsisartut inatsisaat ulloq 1.  januar 2014-imi atuutilermalli  atuussimavoq.  Aalajangersakkami nutaamik  pilersitsineq tassaavoq  nalunaaruteqarnissamut  pisussaaffik atuuttoq  maannakkut Namminersorlutik  Oqartussat ilinniarfeqarfiutaat  ilaatilerlugit aamma  erseqqissumik  aalajangersaasoqarmat.</p> <p>Nassuiaatini siunnersuutip  aningaasaqarnermut  allaffissornikkullu pisortanut  kingunerisassai pillugit  immikkoortumi 3-mi  takuneqarsinnaasutut aamma  inatsisit atuuttut pillugit  nalinginnaasumik nassuiaatini  allassimasutut  kommunalbestyrelsit  nalunaaruteqartussaataitaaffeqa-  reerput, Suliffeqarnermut,  suliffissarsiortut  ilinniagaqalerniartullu  sulilersinneqartarnissaannut  kiisalu Kalaallit Nunaannut  suliartortartunut tunngasunik  kommunalbestyrelsit  paasissutissanik  nalunaaruteqartarnissaat pillugu  Namminersornerullutik  Oqartussat nalunaarutaat nr. 20  19. novembari 2007-imeersoq  aamma Namminersornerullutik  Oqartussat nalunaarutaat nr. 17</p>
--	--	---	---

			<p>ulloq 16. oktoberi 2007          Piareersarfinni qitiusumik          ingerlatsiviit suliaminnik          ingerlatsinerat il.il. naliliisarneq          pillugu takukkit. Tamatuma          saniatigut kommunalbestyrelsit          paasissutissanik angusassat          pillugit isumaqatigiissutit          tunngavigalugit          nalunaaruteqartarput.</p> <p>Nalunaarusiornermi          malittarisassat allaffissornikkut          ilaneqarnissaat pillugu apeqqu          suliassaqarfimmik          malittarisassiornermik          suleriaqqinnermi ilaassaaq.</p>
8	Inuit Innarluutillit Illersuisuat	<p>Tilioq 'Kalaallit Nunaanni          ilinniartitaanermut          inuussutissarsiutinillu          siunnersuisarneq pillugu          Inatsisartut inatsisaata          allanngortinnera pillugu          Inatsisartut inatsisissaattut          siunnersuut pillugu          tusarniaanermut'          toqqaannartumik          oqaaseqaatissaqanngilaq.</p> <p>Taamaattorli "Kalaallit          Nunaanni          Ilinniartitaanermut          ingerlataqarfik;          Ilinniartitaanermut          inuussutissarsiutinillu          siunnersuisarneq pillugu          maannakkut suliniutinik          nalilersuineramik          misissuineq" pillugu          nalilersuineq          tunuliaqutaralugu          suliniutinik allanik</p>	<p>Siunnersuummut          allannguutissatut          siunnersuuteqartoqanngilaq.</p>

		aallartitsinissamut akisussaasoq/akisussaasut attaveqarfigerusuppagut	
8.1.	Inuit Innarluutillit Illersuisuat	Tilioq isumaqarpoq inuusuttut sullinniakkat angunissaannut innarluutillit isiginiarneqarnissaat pisariaqartoq aammalu suliniaqatigiiffiup ilisimasaanik misilittagaanillu ikorfartuisinnaalluni. Tassami inuusuttunut innarluutilinnut tunngatillugu suliamut tunngatillugu pitsaasumik ilitserorneqarnissamik, ilinniakkamut kissaatinik innarluuteqarnermullu innimiginnittumik amigaatilinnik arlalinnik saaffiginnittoqartarpugut.	Siunnersuummut allannguutissatut siunnersuuteqartoqanngilaq.
9	Inuit Pisinnaatitaaf- fii pillugit Siunnersuiso- qatigiit	Oqaaseqaateqartoqanngilaq.	Siunnersuummut allannguutissatut siunnersuuteqartoqanngilaq.
10	Aalisarnermut Piniarnermullu Naalakkersui- soqarfik	Siunnersuummut oqaaseqaateqanngilaq.	Siunnersuummut allannguutissatut siunnersuuteqartoqanngilaq.
11	Ineqarnermut Attaveqaqati- ginnermullu Naalakkersui- soqarfik	Siunnersuummut oqaaseqaateqanngilaq.	Siunnersuummut allannguutissatut siunnersuuteqartoqanngilaq.